



文苑英華卷第二百

詩五十

樂府九

行路難三十一首

蜀道難五首

行路難四首

吳筠

洞庭水上一株桐經霜觸浪困嚴風昔時抽心曜白日今
 且卧死黃沙中洛陽名士見咨嗟一剪一刻作琵琶白壁
 規心學明月珊瑚映面作風花帝王見賞不見忘提携把
 握登建章掩抑摧藏張女彈慙慙促柱楚明光年年月月
 對君王子一作遥遥夜夜宿未央綵女宮娥一作未央棄鳴篳
 爭見一作拂拭爭光儀茱萸錦衣玉作匣安念昔日枯樹
 枝不學衡山南嶺桂至今千載猶未知拭爭一作

二

青瑣門外安石榴連枝接葉夾御溝金墉城裏一作合歡

樹垂條照彩拂鳳樓遊俠少年遊上路傾心顛倒相戀慕

摩頂至足買片言開胸瀝膽取一顧自言家在趙邯鄲翻

翻舌杪復劔端青驪白駁的盧馬金羈綠鞍紫絲鞚蹀躞

橫行不肯進夜夜汗血至長安長安城中諸賢一作臣爭

貴文士一作儒者席上珍復聞梁王好學問輕棄劍客如埃塵

吾丘壽王始得意司馬相如適被申大才大辯尚如此何

况我輩輕薄人

三

君不見西陵田縱橫十字成陌阡君不見東郊道荒涼蕪

沒起寒煙盡是昔日帝王處歌姬舞女達天曙今日翩翩

一作翻妍少年子不知華盛落前去吐心吐意一作氣許他人今

且一作且迴惑生猶豫山中桂樹自有枝心中方寸自相知

何言歲月忽相一作若馳君之意念一作情意與我離還君玉蠹

一作玳瑁今雀釵不忍見此使一作便心危

四

君不見上林苑中客冰羅霧縠象牙席盡是得意忘言者

探腸見膽無所惜白酒甜鹽甘如乳綠觴皎鏡華如碧少

年持名不肯嘗安知白駒如過隙博山鑪中百和香鬱金

蘇合及都梁逶迤好氣佳容貌經過青瑣歷紫房已入中

山馮后帳復上皇帝班姬床玼姬失寵顏不開奉帚供養

長信臺日暮耿耿不能寐秋風切切四面來玉階行路生
細草金爐香炭變成灰得意失意須臾頃非君方寸逆所
裁

同前

王筠

千門皆閉夜何央百憂俱集斷人腸探揣箱中取刀尺拂
拭機上斷流黃情人逐情雖可恨復畏道遠一作傷乏衣
裳已繩一璽催衣縷復搗百和裏衣香猶憶去時腰大小
不知今日身短長衲襦雙心共一袿帕複兩邊作八撮攀
帶雖安不忍繫一作縫開孔裁穿猶未達曾前却月兩相連
本照君心不照天願君分明得此意勿復流蕩不如先含
悲含怨判不死封情忍思待明年

同前二首

費昶

君不見長安客舍門倡家小女名桃根貧窮夜紡無燈燭
何言一朝奉至尊至尊離宮百餘處千門萬戶不知曙唯
聞啞啞城上烏玉欄金井牽轆轤丹梁翠柱飛流蘇香薪
桂火炊雕胡當年翻覆無常定薄命爲女心已一作必罷一作必
作何必一作必罷一作必

此篇英華作吳筠而二樂府別添第二首却以此篇
爲費昶今從之

二

君不見人生百年如流電心中埒堦君不見我昔初入椒
房時詎減班姬與飛燕朝踏一作金梯上鳳樓暮入一作

瓊鈎息鸞殿栢臺晝夜香錦帳自飄颺笙歌棗下曲一作上

吹琵琶陌上桑過叨一作蒙恩所賜餘光曲沾被既逢陰后

不自專復值程姬有所避黃河千年始一清微軀再逢求

無義一作議蛾眉偃月徒自妍賦粉施朱欲誰為不如天泉

淵一作鳥水中鳧一作鳥雙去雙歸長比翅

同前

盧照隣

君不見長安城北渭橋邊枯木橫槎卧古田昔日含紅復

含紫長時留霧亦留煙春景春風花似雪香車玉輦恒闐

咽若箇遊童一作人不兢攀若箇倡家不來折倡家寶袜蛟

龍帔公子銀鞍千萬騎黃鸞一作黃鸞一向花嬌一作黃鸞一向青鳥一作

兩三將子戲千尺長條百尺枝月桂星一作丹榆相蔽

虧珊瑚葉上鴛鴦鳥鳳凰巢裏鷓鴣兒巢傾枝折飛鳳一作

歸去條枯葉落任風一作狂風吹一朝顛顛一作零落無人問萬古

摧殘君詎知人生貴賤無終始倏忽須臾難久恃誰家能

駐西山日誰家能堰東流水漢家陵樹蒲秦川行來行去

盡哀憐自昔公卿二千石咸擬榮華一萬年不見朱唇將

玉一作白貌唯聞青一作素棘與黃泉金貂有時換美一作須酒

玉塵但搖莫計錢寄言坐客神仙署一生一死交情處蒼

龍闕下君不番一作來白鶴山頭一作前我應去雲間海山一作

上邈難期赤心會合在何時但願堯年一百萬長作巢由

也不辭

同前一作從軍中行路難二首

駱賓王

君不見封狐雄虺自成羣憑深負固結妖氛玉璽分兵徵
惡少金壇授律勸一作受將軍將軍擁旄宣廟畧戰士橫

戈一作行靜夷落長驅一息背銅梁直指三危逾一作危登
又作巴逾

劔閣閣道巖堯起一作迢戍樓劔門遙裔俯靈立仰關九

折無平路江水雙源有急流征役無期返他鄉年歲一作
歲華

晚杳杳丘陵出蒼蒼林薄遠途危紫蓋峯路澁青泥坂去

去指哀牢行行入不毛絕壁千重險連山四望高中外分

區寓夷夏殊風土交趾枕南荒昆彌臨北戶川原饒毒霧

谿谷多淫雨行潦四時流崩查千歲古漂梗飛蓬不暫一作

自安捫蘿引葛度一作危巒昔時聞道從軍樂今日方知

行路難滄江綠水東流駛炎洲丹徼南中地南中南斗映

星河秦川一作秦塞阻煙波三春邊地風光少五月瀟

瘴癘多朝驅疲斥堠夕息倦誰何一作向月彎繁弱連星

轉太阿重義輕生懷一顧東伐西征凡幾度夜夜朝朝班

鬢新年年歲歲戎衣故灞城隅滇池水天涯望轉積地際

行無已徒覺炎涼節物非不知關山千萬里棄置多重陳

重陳多苦辛且悅清笳梅柳曲詎憶芳園桃李人絳節朱

旗一作分白羽丹心白刃酬明主但令一被一作君王知

誰憚三邊征戰苦行路難行路難岐路幾千端無復

歸雲馮短翰空餘望日想長安

二同心常伯
軍中作

君不見王關塞色閭邊庭銅鞮雜虜寇長城天子按劔征

餘虜將軍受賑事橫行七德龍韜開王帳千重一作龜壘

動一作龜金鉦陰山苦霧埋高壘交河孤月照連營連營

去去無窮極擁旆遙遙過絕國陣雲朝結晦天山寒沙夕

漲迷踈勒龍鱗水上開魚貫馬首山前振鵬一作翼長驅

萬里讐祁連分麾三令一作命武功宣百發鳥號遙碎柳七

尺龍文廻照蓮春來秋去移灰琯蘭閨柳市芳塵斷鴈門

迢遞尺書稀鴛鴦被相思雙帶緩行路難誓令氛祲靜臯蘭

但使封侯龍額貴頗一作詎隨中婦鳳樓寒

同前 王烈

晏客蒲長路路長一作難良足哀白日持角弓射人而取財

千金誰家子紛紛死一作共埃見者不敢言言者不敢廻家人

各望歸豈知長不來

同前三首 李白

金罇美酒斗十千玉盤珍羞直萬錢停盃投筯不能食拔

劍四顧心茫然欲度黃河水塞川將登太行雪暗天閑來

垂釣坐溪上忽復乘舟夢日邊行路難行路難多岐路道

一作今安在長風破浪會有時直掛雲帆濟滄海

二

大道如青天我獨不得出羞逐長安社中兒赤鷄白狗賭

梨栗彈劍作歌奏苦聲曳裾王門不稱情淮陰市井笑韓

信漢朝公卿一作候忌賈生君不見昔時燕家重郭隗擁篲

折節無嫌猜劇辛樂毅感恩分輪肝割一作剖膽効俊一作英

才昭王白骨縈蔓草誰人更掃黃金臺行路難歸去來

三

有耳莫洗穎川水有口莫食首陽蕨含光混世貴無名何

用孤高比明一作雲月吾觀自古賢達人功成不退皆殞身

子胥既棄吳江上屈平終沉一作投湘水濱陸機英才一作雄才

豈自保李斯稅駕苦不早華亭唳鶴詎可聞上蔡蒼鷹何

足道君不見吳中張翰稱達生秋風忽憶江東行且樂生

前一盃酒何須身後千載名

同前

崔顥

君不見建章宮中金明枝萬萬長條拂地垂二月三月花

如霰九重幽深君不見艷彩朝含四寶宮春風且一作香風吹

入朝雲殿漢家宮女春未闌愛此芳香朝暮看看去看

心不忘攀折將安鏡臺上雙雙素手剪不成兩兩紅粧笑

相向建章昨夜起春風一花飛落長信宮長信麗人見花

泣憶此玳樹何嗟及我昔初在昭陽時朝攀暮折登玉墀

只言歲歲長相對不寤今朝遙相思

同前

王昌齡

雙絲作鞭繫銀瓶百尺寒泉轆轤上懸絲一絕不可望似

妾傾心在君掌人生意氣好遷捐只重狂花不重賢宴罷

調竽奏離鶴迴嬌轉眄泣君前君不見眼前事豈保須臾

勿無異西山日下兩足稀則有浮雲無所寄但願莫忘前

者言剉骨黃塵亦相媿行路難勸酒莫辭頻美酒千鍾猶

可盡心中片恨何可論一聞漢主思故劍使妾長嗟萬古魂

同前

李頎

漢家名臣楊德祖四代五公享茅土父兄弟綰銀黃躍

馬鳴珂朝建章火浣單衣繡方領茱萸錦帶玉盤囊賓客

填街復蒲堂一作坐片言出口生輝光世人逐勢爭奔走瀝

膽隳肝唯恐後當時一顧登青雲自謂生死長隨君一朝

謝病還鄉里窮巷蒼苔一作荒絕知己秋風落葉閉重門昨

日論交竟誰是薄俗嗟之一作嗟難重陳深山麋鹿可為一作

為隣魯連所以蹈滄海古往一作佳今來稱達人

同前

賀蘭進明

君不見門前柳榮耀幾一作暫時蕭索久君不見陌上花狂

風吹去落誰家誰家新一作思婦見之歎蓬首不梳心歷亂

盛年夫婿長別離歲暮相逢色凋換

此詩元題高適集無之郭茂倩樂府并適集却別載

適第二首今既附入而以此篇從樂府為賀蘭作

君不見富家翁舊一作昔時貧賤誰比數一朝金多結豪貴

百一作萬事勝人健如虎子孫生一作成長蒲眼前妻解一作能

管絃妾能舞自矜一朝忽一作見如此却笑傍人獨愁苦東

隣少年安所如席門窮巷出無車有才不肯學干謁何用

長年一作年年空讀書

二

長安少年不少錢能騎駿馬鳴金鞭五侯相逢大道邊
人絃歌爭留連黃一作金如斗不敢惜片言如山莫棄捐
安知顛顛讀書者暮宿虛一作靈臺私自憐

同前一作連環歌

韋應物

荆山之白玉兮良工雕琢雙環連月蝕中央鏡心穿故人
贈妾初相結思在環中尋不絕人情厚薄苦須臾昔似連
環今似玦連環可碎不可離如何物在人自移上客勿遽
歡聽妾歌路難傍人見環環可憐不知中有長恨端

同前

孟雲卿

君不見高山萬仞連蒼旻天長地久成埃塵君不見長松
百尺多勁節狂風暴雨終摧折古今何世無聖賢吾愛伯
陽真乃天金堂玉闕疑朝羣仙拍手東海成桑田海中之
水慎勿枯鳥鳶啄蚌傷明珠行路難艱險莫踟躕

同前

馮著

男兒軼軻徒搔首入市脫衣且沽酒行路難權門慎勿干
平人爭路相催殘春秋四氣相一作更迴換人事何須再三
歎君不見雀為蛤鷹為鳩東海成田谷為岸負薪客歸去
來龜反顧鶴徘徊黃河岸上負薪一無此起塵埃相逢未
相識何用強相猜行路難故山應不改茅舍漢中在白酒
杯中聊一歌蒼蠅蒼蠅柰爾何

同前

顧况

君不見古人一作來燒水銀變作北邙山上塵藕絲掛在虛

文苑英華卷一百一十五

朱清

空中一作桂山在虛空欲落不落愁殺人睢水英雄多血

刃建章宮闕成煨燼淮王身死桂樹折一作徐福市

去音書絕行路難行路難生死皆由天秦皇漢武遭下脫

汝獨何人學神仙君不見擔雪塞井徒用力炊砂作飯豈

堪喫一生肝膽向人盡相識不如不相識冬青樹上挂凌

霄歲晏花凋樹不凋凡物各自有根本種禾終不生且苗

行路難行路難何處是平道中心無事當富貴今日覺君

顏色好君不見少年頭上如雲髮少壯如雲老如雪豈知

灌頂有醍醐能使清涼頭不熱呂梁之水挂飛流蠶鬲蛟

蚤不敢遊少年恃險若平地獨倚長劍凌清秋行路難行

路難昔少年今已老前朝竹帛事皆空日暮牛羊古城草

同前

釋寶月

君不見孤鴈關外發酸嘶度陽越空城客子心腸斷幽閨

思婦氣欲絕凝霜夜下拂羅衣浮雲中斷開明月夜夜遙

遙徒想思年年望望情不歇取我匣中青銅鏡倩人為君

除白髮行路難行路難夜聞西城漢使度使我流淚憶長安

同前

薛能

何處力堪殫人心嶮萬端藏山難測度暗水自波瀾對面

如千里回腸似七盤已經吳坂困欲向鴈門難南北誠一作

成須泣高深不可二無因善行止車轍得平安

同前五首

貫休

君不見山高海深人不測古往今來轉青碧淺近輕浮莫

與交地卑只解生荆棘誰道黃金如糞土張耳陳餘斷消息行路難行路難君自看

同前二

不會當時

初一作

作天地剛有多般愚與智到頭還用真宰

心何如上下皆清氣大道冥冥不知處那堪頓得羲和轡

義不義兮仁不仁擬學長生更容易負薪

一作

爲爐復爲

火緣木求魚應且止君不見燒金煉石古帝王鬼火熒熒

白楊裏

三

君不見道傍廢井生古木本是驕奢貴人屋幾度美人照

影來素纒銀瓶擢纖玉雲飛雨散今如此繡闥雕甍作荒

谷沸渭笙歌君莫誇不應長是西家哭休說遺編行者幾

至竟終須合天理敗他成此亦何功蘇張終作多言鬼行

路難行路難不在羊腸裏

四

九有茫茫共堯日浪死虛生亦非一清淨玄音竟不聞花

眼酒腸暗如漆或偶因片言隻字登第光二親又不能獻

可替否航要津口譚羲軒與周孔履行不及屠沽人行路

難行路難日暮途遠空悲歎

五

君不見道傍樹有寄生枝青青鬱鬱同榮衰無情之物尚

如此爲人不及還堪悲父歸墳兮未期一作夕已分黃金

爭田宅高堂老母頭似雪心作數枝一作淚長滴我聞忽
如負芒刺不獨為君空嘆息古人尺布猶可縫潯陽義夫
一作令人憶寄言世上為人子孝義團圓莫如此若如此
不道死兮更何俟

蜀道難

梁簡文帝

巫山七百里巴水三迴曲笛聲下復高後鳴一作斷還續

同前

劉孝威

玉壘高無極銅梁不可攀雙流亦一作巖道九坂澁陽

關鄧侯東馬度一作王生歛轡還歛轡懼身尤叱馭奉王

猷若恹一作千金重誰為萬里侯戲馬吞珠界揚舲擢錦

流沉犀厭在水掘鏡表靈丘隅山一作金碧有光輝遷亭

車馬尚一作輕肥彌想王褒擁節反一作更憶相如乘

歸君乎子雲間一作不嗣江漢英靈信已衰一作信稀

此一詩英華與藝文類聚同惟郭茂倩樂府折前五

言八句為一篇後七言六句為一篇又無中間六句

而劉次莊樂府止有前八句今注異同為一作

同前

陰鑑

王尊奉漢朝靈關不憚遙高岷長有雪陰棧屢經燒輪摧

九折路騎阻七星橋蜀道難如此功名詎可要

同前

張文琮

梁山鎮地險積石阻雲端深谷下寥廓層巖上鬱盤飛梁

架絕嶺棧道接危巒攬轡獨長息方知斯路難

同前

李白

噫吁嚱危乎高哉蜀道之難難於上青天蠶叢及魚鳧開

國何茫然爾來四萬八千歲不_{一作}與秦塞通人煙西當

太白有鳥道可以橫絕峨眉巔地崩山摧壯士死然後天

梯石棧相鈎連上有六龍迴日之高標_{一作上有橫河下}

有逆折衝波之流川_{一作下有逆折衝波之回川}黃鶴之飛尚不得過

徬徨欲度愁攀緣青泥何盤盤百步九折縈巖巒捫參歷

井仰脅息以手撫心膺_{一作坐長歎}閉君西遊何當_{一作還}

畏途巖巖不可攀但見悲鳥號古木雄飛呼雌逸林間又

聞子規啼月落_{一作愁空山}蜀道之難難於上青天使人

聽此凋朱顏連峯去天不盈尺_{一作連峯入枯松倒挂倚}

_{絕壁飛湍瀑流爭喧豨峻崖轉石萬壑雷其險也如此嗟}

爾遠道之人胡為乎來哉劔閣崢嶸而崔嵬一夫當關萬

夫莫開所守或匪人_{一作化為狼與豺朝避猛虎夕避長}

蛇磨牙吮血殺人如麻錦城雖云樂不如早還家蜀道之

難難於上青天側身西望長咨_{一作嗟}

_{令人嗟}

文苑英華卷第二百終

文苑英華卷第二百一

詩五十一

樂府十

巫山高二十一首

江南行二十一首

蜀國吟二首

白銅鞮歌六首

襄陽行一首

大堤曲一首

襄陽歌一首

豫章行二首

東武吟二首

武陵深行二首

紀遼東三首

廣陵行一首

巫山高

梁元帝

巫山高不窮迥出荆門中灘聲下濺石猿鳴上逐風樹雜

山如畫一作畫林暗澗疑空無因謝神女一為出房櫳

同前

梁王泰

迢迢巫山好

一作

遠天新霽時樹交涼去遠草合影開遲

谷深流響咽峽近猿聲悲只言雲雨狀自有神僊期

同前

梁范雲

巫山高不極白日隱光輝靄靄朝雲去冥冥暮雨歸巖巖懸

獸無跡林暗鳥疑飛枕席竟誰休

一作

薦相望日

空一作

依依

同前

梁蕭銓

巫山映巫峽高高殊未窮猿聲不辯處雨色詎分空懸崖

下桂影

一作

深澗響松風別有仙雲起時向楚王宮

同前

虞羲

南國多奇山荆巫獨靈異雲雨麗以佳陽臺重怨一作思

勿言再可

一作

得特羨君王意高唐一斷絕光陰不可遲

同前

劉繪

高山與巫山參差鬱相望灼爍在雲間氛氲出霞上散雨

收夕臺行雲卷晨帳出沒不坊期嬋娟似惆悵

同前

鄭世翼

巫山凌太清岩堯類削成霏霏暮雨合靄靄朝雲生危峯

入鳥道深谷寫猿聲別有幽棲客淹留攀桂情

同前

凌敬

巫岫鬱岩堯高高入紫霄白雲間包石玄猿迴挂

一作

懸崖

懸崖激巨浪脆葉殞驚颿別有陽臺處風雨共飄飄

一作

同前

李元操

荆門對巫峽雲夢通陽臺燎火如奔電墜石似驚雷大寒
秋水急風靜夜猿哀枕席無由薦朝雲徒去來

同前

盧照隣

巫山望不極望望下朝氛莫辯啼猿樹徒看神女雲驚濤
亂水脉驟雨暗岑一作峯文霑衣却此地况復遠思君

同前

閻復本

君不見巫山高高半天起絕壁千尋畫相似君不見坐山
磕匝翠屏開湘江碧水遶山來綠樹春嬌明月峽紅花朝
覆白雲臺臺上朝雲無定所此中窈窕神仙女仙女盈盈
仙骨飛清容出沒有光輝欲暮高唐行雨送今宵定入荆
王夢荆王夢裏愛穠華枕席初開紅帳遮可憐欲曉啼猿

麴說道巫山是妾家

同前

喬知之

巫山十二峯參差牙隱見潯陽幾千里周覽忽已遍想像
神女姿摘芳共珍薦楚雲何逶迤紅樹日葱蒨楚雲沒湘
源紅樹斷荆門郢路不可見况復夜聞猿

同前

沈佺期

巫山峰十二合沓一作還合隱昭回俯眺琵琶峽平看雲雨臺
古槎天外倚瀑水日邊來何忽啼猿夜荆王枕席開

同前

張九齡

巫山與天近煙景常青熒此中楚王夢夢得神女靈神女
去已久白雲一作雲雨空冥冥唯有巴猿嘯哀音不可聽

同前

皇甫冉

巫峽見巴東迢迢出半空雲藏神女館雨到楚王宮朝暮
泉聲落塞暄樹色同青猿不可聽偏在九秋中

同前

李端

巫山十二峯皆在碧空中迴合雲藏日霏微雨帶風猿聲
塞度過一作水樹色暮連空愁向高堂宿一作清秋見楚東

一作宮

同前

張循之

巫山高不極合沓一作狀竒新暗谷疑風雨幽巖若鬼神
月明三峽曙潮滿二江春為問陽臺客應知入夢人

同前

李況

塊天心開地脉浮動凌霄拂藍碧襄王端眸望不極似晴
瑤姬長歎息巫粧不治獨西望暗泣紅蕉抱雲帳君王妬
妾夢荆宮虛把金泥印仙掌江濤迅激如相助十二僊龍
怒行兩崑崙謾有通天路九峰正在天低處

同前

李賀

碧叢叢齊一作挿天巴一作江翻瀾神曳煙楚魂尋夢風
颼然曉風吹一作兩生苔錢瑤姬一去一千年丁香印竹

號一作竹啼一作筇老猿古祠近月蟾桂寒椒花墮一作紅濕雲間

同前

陳陶

玉峰青雲一作靈十二枝金母和雲賜瑤姬花宮磊砢楚宮
外一作列仙一作客八面星斗垂秀色無雙怨三峽春風幾

夢裏王獵青鸞不在嬾吹簫班竹題詩寄江妾飄飄散絲
巴子天苔棠玉轡紅霞愔歸時白帝掩青瑣瓊枝草草遺
湘煙

同前

羅隱

下壓重泉上千仞香雲結夢西風緊縱有精靈得往來沈
輓颺軒亦顛隕嵐光雙雙雷隱隱愁為衣裳恨為鬢暮灑
朝行何所之江邊日月情無盡珠零冷露丹墮楓細腰長
臉愁滿宮人生對面猶異同况在千巖萬壑中

江南行三首

梁簡文帝

桂楫曉應旋歷岸扣輕舷紫荷釣鯉魚銀筐插矩一作蓮

人歸浦已一作暗那得又迴船

二

同前

江南有妙妓時則應璿樞月暈蘆花缺秋還懸炭枯含丹
和九轉芳樹應千株何辭天后誚終是列一作僊都

三

同前

郭茂清作
梁昭明

陽春路時使家人度桂中水上春併歸長楊拂一作及
又作掃地
桃花飛清風吹人光照衣景將夕且一無此字擲黃金留上客

同前

梁武帝

衆花雜色滿山林舒芳搖綠垂輕陰連手蹀躞舞春輝一作
心舞春心臨歲腹中心一作人望盡一作無此字獨踟躕

同前

沈約

棹歌發江潭采蓮度湘南宜涓閑隱處州浦余自諳羅衣

織成帶墜馬碧玉簪且

一作但

令舟楫渡寧計路岸岸

一作嵌嵌

同前

梁柳惲

汀洲採白蘋日落江南春洞庭有歸客瀟湘逢故人故人
久不還春華復應晚不道新知樂只言行路遠

同前

李康成

梅花落好使香車度楊柳青青鶯欲啼風光搖蕩綠蘋齊
金陵城頭日色低日色低情難極水中鳥鷺雙比翼

同前

王勃

江南弄巫山連楚夢行雨行雲幾相送瑤軒金谷上春時

玉童僊

一作玉

女無見期紫霞香煙眇難托青樓明日

一作清風

明遙相思遙相思草徒綠鳥聽雙飛鳳凰曲

同前

宋之問

妾住越城南離居不自堪採花驚曙鳥摘葉餒春蠶懶結

菜黃帶愁安玳瑁簪待君

一作待臣

銷瘦盡日暮綠

一作碧

江潭

同前二首

崔顥

君家何處住妾住在橫塘停船暫借問或可是同鄉

二

比下一作渚多風浪蓮舟欲暫稀那能不相待獨自逆潮歸

同前二首

儲光羲

逐流牽藕

一作荷

葉綠岸摘蘆苗為憶

一作惜

鴛鴦鳥輕輕動

畫橈

二

長風一作綠江深見低高浪直翻空慣是湖邊住船一作舟輕不

同前

張朝

此孤葉爛別西灣蓮子花新猶未還妾夢不離江水上人
傳那在鳳凰山

同前

李叔卿

湖上女江南花無雙越女春浣紗風似箭月如弦少年吳
兒曉進船邨家子弟謝家郎烏巾白袷紫香囊菱歌思欲
絕楚舞斷人腸歌舞未終涕雙隕稚兒宮坡陲總嶙隱西山
暮雨過江來北渚春雲沿海盡渡口一水流緩妾婦霄刺遲
含情為君再理曲月華照出澄江時

同前

芮挺章

春江可憐事最在美人家鸚鵡能言口鳥芙蓉巧笑花馬銜
金作埒水抱玉為砂薄晚青絲騎一作長鞭赴狹斜

同前

劉慎虛

美人何蕩漾湖上風月長玉手欲去月贈徘徊雙明璫唱歌
一作隨淶水怨色起青朝一作陽日昔春還家望煙雲一作橫
洞房

同前

韓翃

長樂花枝雨滴銷江城日暮好相邀春樓不閉歲鞋鎖淶
水迴通宛轉橋

同前

李賀

江中綠霧起涼波江上疊巘紅差峩水風浦雲生老竹渚
一作 暝滿帆如一幅鱸魚千頭酒百斛酒中倒卧南山綠
吳歛越吟未終曲天上團團帖寒玉

同前

陳標

水光春色滿江潮一作天蘋葉風吹荷葉錢香蟻翠旗臨一作

岸市艷娥紅袖渡江船曉驚白鷺聯翩雪浪蹙青菱激
灑煙不怕汀洲芳草暮待將秋一作興拆湖蓮

同前

羅隱

江煙濕雨蛟綃軟漠漠小一作山眉黛淺水國多愁又有

情夜槽壓酒銀船滿細絲搖柳一作凝曉空吳王臺榭

春夢中鴛鴦鷓鴣喚不起平鋪綠水眠東風西陵路邊月
悄悄油壁車輕蘇小小一作蘇小

蜀國吟

梁簡文帝

銅梁指斜谷劍道臨中區通星上分野作國下為都雅歌

固一作良守妙舞自巴歛一作陽城嬉樂盛劍騎鬱相趨

五婦行難至百兩好遊娛牲祈望帝祀酒醉一作蜀侯誅

江妃納重聘真女愛將雛停絃時擊爪息路一作治曆朱

春一作袵湔錦浪迴扇避陽烏聞君握道一作返賤妾下

城隅

同前

盧思道

西蜀稱天府由來擅沃饒雲浮玉壘夕日映錦城朝南尋
九折路東上七星橋琴心苦易解令客豈難要

白銅鞮歌三首 一作襄陽 蹋銅蹄

梁武帝

陌頭征人去 閨中女下機 含情不能言 送別沾羅衣

二

草樹非一香 花葉百種色 寄語故人情 知我心相憶

三

龍門 一作馬 紫金鞍 翠毛白玉羈 照耀雙闕下 知是襄陽兒

右三首見郭茂倩樂府今文苑英華合第一第二為

一首又增襄陽白銅鞮聖德心應乾來兩句為首句

按隋書樂志襄陽白銅鞮 梁武帝自為三曲又令

沈約為三曲古今樂錄沈約又作其和云襄陽白

銅鞮聖德應乾來合從樂府

同前

沈約

生長宛水上 往官 一作從事 襄陽城 一朝遇神武 奮翼起先鳴

二

躡控 一作躡 飛塵起 左右自生光 男兒得富貴 何必還故鄉

三

分手桃李岸 望別峴山頭 若欲寄書信 漢水向東流

襄陽行

張朝

玉盤轉明珠 君王無定準 昨見襄陽客 剩說襄陽好 無盡

襄漢水 峴山垂漢水 東流風北吹 只言一世長 嬌寵那悟

今夕 一作朝 見別離 君渡清羗渚 知人獨不語 君見木栖林

憶我相思深 莫作雲間鴻 離聲願儔侶 尚如匣中劍 分形

會同處是君婦識君情怨君恨君爲此行下床一宿不可
保况乃萬里襄陽城襄陽傳近大堤北君到襄陽莫迷惑
大堤諸女兒憐錢不憐德

大堤曲

李賀

妾家住橫塘紅紗滿桂香青絲學一作青雲教綰頭上髻明月

與作耳邊璫蓮風起江畔春大堤上留北人即食鯉魚尾

與客徃徃一作妾食徃徃脣莫指襄陽道淶浦歸帆少今日菖蒲

短一作花明朝楓樹老

襄陽歌

李白

落日欲沒峴山西倒着接離一作行客醉歸花下迷襄陽小兒齊

拍手攔街爭唱白銅鞮傍人借問笑何事笑殺山翁一作公

醉似泥鸕鷀杓鸕鷀杯百年三萬六千日一日須傾三百

杯遙看漢水鴨頭綠恰似一作疑是蒲萄新一作初撥醅此江若

變作春酒累一作壘麴便築糟丘臺千金駿馬換少妾笑一作

醉坐金一作雕鞍歌落梅車傍側掛一壺酒鳳笙龍管行相

催咸陽市上一作中歎黃犬何如月下傾金壘君不見晉朝

羊公一片古碑材一作石碑在龜頭駁一作龜龍剝落生莓苔淚亦

不能爲之墮心亦不能爲之哀誰能憂此身後事金鳧銀

鴨葬死灰清風明月不用一錢買玉山自倒非人推舒州

杓力士鎗一作黃金爵白玉瓶李白一作酒仙與爾同死生襄陽雲雨今

安在江水東流徼夜聲

此詩三百四十三卷重出今已削去注異同爲一作

豫章行

沈約

燕陸一作陵平而遠易河清且駛一見塵波阻臨途引征思

雙劍愛匣同孤鸞悲影異宴言誠易纂浩歌信難嗣卧聞

夕鍾急坐閱朝光亟往歡墜壯心來戚滿哀志徂一作方

無再馥淪灰定還熾夏臺尚可忘榮辱亦奚事愧微曠士

節徒感鄙生餌勞哉納辰和地遠托聲寄

同前

薛道衡

江南遠地接閩甌山東英妙屢經遊前瞻疊嶂千重阻却

帶驚湍萬里流楓葉朝飛向京洛文魚夜過歷吳洲君行

遠度茱萸嶺妾住長依明月樓樓中愁思不開嘔始復臨

窓望早春鶯鶯水上萍初合鳴鶴園中花併新空憶常時

蕭枕處無復前日畫眉人照盃有金環誰用許見瞻明鏡自

生塵蕩子從來好留滯况復關山遠迢迢當學織女嫁牽

牛莫作姮娥叛夫婿偏訝思石無限極欲罷欲忘還復憶

願作王母三青鳥飛來飛去傳消息豐城雙劍昔曾離經

年累月復相隨不畏將軍成父別只恐封侯心更移

東武吟

李白

好古笑流俗素聞賢達風方希佐明主長揖辭成功白日

在高天迴光燭微躬恭承鳳凰詔歛然一作起雲蘿中清切

紫垣迴優游丹禁通君王賜顏色聲價凌煙虹乘輿擁翠

蓋扈從金城東寶馬麗絕景錦衣入新豐依巖望松雪對

酒鳴絲桐因學揚子雲獻賦甘泉宮天書美片善清芬播

無窮歸來入咸陽談笑皆王公一朝去金馬飄落成飛蓬
賓友日踈散玉樽亦已空才力猶可倚不慙世上雄閑作
東武吟曲盡情未終書此謝知己吾尋黃綺翁一作扁舟
尋釣翁

同前

曹鄴

心如山上虎身若倉中鼠惆悵倚市門無人與之語夜宴
李將軍欲望心相許何曾聽我言貪譖邯鄲女獨上黃金
臺淒涼淚如雨

武陵深行

武陵

一作溪

深不測水安舟復輕暫借

一作侶

莊生釣還滯鄂

君行謹

一作權

歌爭復

一作後

發譟鼓逐前征秦上山川險黔

中水復清

一作木石并
又作木石青

林壑秋瀨急猿哀夜月明澄源本

千仞迴峯忽萬紫昭潭讓無底太華推削成日落野通氣

目極悵餘清下流曾不得

一作蜀

長邁寂無聲羞學滄浪水

濯足復露纓

同前

爰寄生

滔滔武陵一何深鳥飛不度獸不敢臨嗟哉武陵今多毒
淫

紀遼東二首

隋煬帝

遼東海北剪長鯨風雲萬里清方當銷鋒散馬牛旋師宴
鎬京前歌後舞振軍威飲至解戎衣判不徒行萬里去空
道五原歸

二

秉旄杖節定遼東俘馘振一作夷風清歌凱捷九都水歸
宴雒陽宮策功行賞不淹留全軍籍智謀詎似南宮複道
上先封雍齒侯

同前

王胄

遼東淇水事龔行俯拾信神兵欲知振旅旋歸樂為聽凱
歌聲千乘元戎纔度遼扶瀼已冰銷詎似百萬臨江水按
轡空迴鑣天威電邁舉朝鮮信次即言旋還笑魏家司馬
懿迢迢用一年鳴鸞詔蹕返滄瀆舍爵及疇庸何必豐沛
多相識比屋降堯封

廣陵行

權德輿

廣陵寔佳麗隋季此為京八方稱輻輳五達如砥平大旆
映空色笳簫發連營一作層臺出重霄金壁摩顛清交馳流水
轂迴接浮雲薨青樓旭日映綠野春風晴噴玉光照地嘖
娥價傾城燈前牙巧笑陌上相逢迎飄飄翠羽薄掩映紅
襦明蘭麝一作馨一作遠不歡管絃閑自清曲士守文墨達人隨
性情茫茫竟同盡井井將何營且申今日歡莫務身後名
肯學諸儒輩書窓誤一生

文苑英華卷第二百一

樂府十一

詩五十一

長相思十五首

有所思二十首

君子有所思一首

自君之出矣五首

古別離九首

潛離別一首

遠別離一首

久別離一首

長別離一首

生別離二首

別離曲一首

長相思

梁昭明太子

相思終無

一作無終

極長夜起歎息徒見貌嬋

嬋一作嬋

寧寧知心

有憶寸心無所因願附歸飛翼

同前二首

張率

長相思久離別美人之遠如雨絕獨延佇中心結望雲雲

遠散一作去遠望鳥鳥飛滅遠望終若斯珠淚不能雪

二

長相思久別離所思何在若天垂鬱陶相望不得知玉階

月夕映羅帷風夜吹相思不能寢坐望天河移

同前

陸瓊

長相思久一作遠離別一罷鴛鴦鋒矢絕一作一罷鴛鴦鴻始

一作已去柳堪結室冷鏡凝水庭幽花似雪容貌春春滅一作

朝朝書字朝朝一作看滅

同前

徐陵

長相思望歸難傳聞更始戍樓蘭一作傳聞奉龍城遠鴈

門寒愁來瘦轉劇衣帶自然寬念君今一作君不見誰為

抱腰看

同前

王嗒

長相思久離別兩同心一作憶不相徹悲風淒愁雲結柳

葉眉上銷菱花鏡中滅鴈封歸飛斷鯉素還流絕

同前二首

江總

長相思久離別征夫去遠幽芳滅一作芳音滅湘水深隴

頭咽紅羅斗帳裏綠綺清弦絕逶迤百尺樓愁思三秋結

二

長相思久別離春風送鷺入簷窺開脂粉弄花枝紅樓干

愁色玉筍兩行垂心心不相照望望何由知

同前

君不見天津橋下東流水南望龍門北朝市楊柳青青苑
北垂桃紅李白花參差花參差柳堪結此時憶君心斷絕

同前

李白

長相思在長安絡緯秋啼金井欄微霜淒淒簾色寒孤燈
不寐一作思欲絕卷帷望月空長嘆佳期迢迢一作美人如花隔

雲端上有青冥之高天下有綠水之波瀾天長路遠魂飛

苦夢行一作魂不到關山難長相思摧心肝

同前

權德輿

少小別潘郎嬌羞倚畫堂有時裁尺素無事約殘黃鶻語

臨粧鏡花飛落繡床相思不解說明月照空房

同前

劉復

長相思在桂林蒼梧山遠瀟湘深秋堂零淚倚金瑟朱顏

搖落隨光陰長宵嘹唳命鴻侶河漢蒼蒼隔牛女寧知一

水不可度况復萬山脩且阻綵絲織綺文雙鴛昔時贈君

君可憐何言一去瓶落井流塵歇滅金爐前

同前

陳羽

長相思長相思相思無限極相思苦相思相思損容色容

色真可惜相思不可徹日日長相思相思腸斷絕腸斷絕

淚還續閑人莫作相思曲

同前

武元衡

長相思隴雲愁單于臺上望伊洲鴈書絕蟬鬢秋行人山
北一作天畔暮雨海西頭殷勤大河水東注不還流

同前

曹鄴

妾顏與日改君心與日新三年得一書猶在湘之濱料君
相輕意知妾無至親况當受明禮不合再嫁人願君多生
日化質為妾身

有所思

梁簡文帝

昔未離長信金翠奉乘輿何言人事異宿昔故恩踈寂寞
錦筵靜玲瓏玉殿虛掩閨泣團扇羅幌詠薜蘿

同前

梁昭明太子

公子路遠一作遠行隔乃在天一方望望江山阻悠悠道一作坂

長別前秋葉落別後春花芳雷歎一流一作聲響雨泪忽

成行悵望情無極引領心一作傾心還自傷

同前

王筠

丹墀生細草紫殿網一作納輕陰曖曖巫山遠悠悠湘水深

徒歌轆轤劍空貽璫珣簪望君終不見屑淚且微吟

同前

庾肩吾

仕期一作竟杏一作不歸春物生芳菲拂匣看離扇開箱見別衣

井桐生末合宮槐卷復稀不及啣泥鷺從來相逐飛

同前

王僧孺

夜風吹熠燿朝光照辟邪一作昔邪瓦松也幾銷薜蘿葉空落蒲

萄一作桃花不堪長織素誰能獨浣紗光陰復何極望促友

成賒知君自蕩子奈妾亦倡家

同前

劉繪

別離安可再而我更重之

一作佳人重更之

佳人不相見明月空

在帷共啣蒲堂酌獨飲向隅眉中心亂如雪寧知有所思

同前

費昶

上林鳥欲飛長門日行

一作將

暮所思鬱不已空想丹墀步

簾動意君來雷聲似車度北方佳麗子窈窕能廻顧夫君

自迷惑非為妾心妬

同前

裴讓之

夢中雖暫見及覺始知非展轉不能寐徒倚獨披衣淒淒

曉風急晻晻月光微室空當

一作常

達旦所思終不歸

同前

顧野王

賤妾有所思良人久征戍笳鳴故

一作胡

塞表

一作塞城表

花開

一作開

落芳樹白登澄月色黃龍起烟霧還聞雉子班非復

長征賦

同前

張正見

深閨久離別積怨轉生愁徒思裂帛鴈空上望歸樓看花

憶塞草對月想邊愁相思日日夜夜

一作度

淚臉年年流

同前

陵系

別念恨城闈還思樓上人淚想愁

一作離

前落愁開

一作別

後新月來疑舞扇花度憶歌塵只看月彩

一作今度

裏那似隔

河津

同前

陳後主

佳人在北燕相望渭橋邊團團落日樹耿耿曙河天愁多
明月下淚盡鴈行前別心不可寄唯餘琴上絃

同前

盧思道

長門與長信憂思竝難任洞房明月下空庭綠草深怨歌
裁潔一作素能賦受黃金復聞隔湘水猶言限桂林悽悽
日已暮誰見此時心

同前

楊炯

賤妾留南楚征夫向北燕三秋方一日少別比千年不掩
頰紅縷無論數綠錢相思明月夜迢迤白雲天

同前

沈佺期

君子事行後再空芳歲期美人曠延佇萬里浮雲思
綵紅艷郊桑柔綠滋坐看長夏晚秋月照羅帷

同前

一作君子有所思

李白

紫閣連終南青冥天倪色憑崖望咸陽宮闕羅北極萬井
驚鳥盡出九衢如絃直渭水清銀河橫天流不息朝野盛文
物衣冠何翕輭廐馬散連山軍容威絕域伊臯運元化衛
霍輸筋力歌鍾樂休明一作榮去老還逼圓光一作
未休過蒲缺太陽移中昃不散東海金何爭西輝匿無作牛山
悲惻愴淚霑臆

同前

韋應物

借問江一作堤上柳青青為誰春空遊昨日地不見昨日人

繚繞萬家井往來車馬塵莫道無相識要非心所親

同前

陳陶

欲唱玄雲曲知音復誰是採掇情未來臨池畫春水

同前

王貞白

芙蓉出水時偶爾便分離自此無因見長教挂所思殘春不入夢芳信欲傳誰寂寞秋堂下空吟小謝詩

同前

女郎劉雲

朝亦有所思暮亦有所思登樓望君處靄靄蕭關道掩淚向浮雲誰知妾懷抱一作靄靄浮雲飛浮雲遮却玉井蒼

苔春院深桐花落一作盡無人掃

君子有所思

沈約

晨策終南首顧望咸陽川戚里湖一層闕甲館連一作崇

樓塗希傑一作紫閣重臺擬望仙一作姬幽蘭奏鄭女陽春絃

共矜紅顏日俱一作但忘白髮年寂寞茂陵宅炫一作照曜未

央蟬無以五鼎盛顧嗤三徑玄

自君之出矣

鮑令暉

自君之出矣臨軒不解顏砧杵夜不發高門恒畫一作畫恒關

幃一作帷中浮一作中流熠燿庭前華紫蘭物枯識節異鴻歸

知客寒近取暮秋盡餘思待春一作君還

同前

范雲

自君之出矣羅帳咽秋風思君如蔓草連延不可窮

同前

陳叔達一作賈馮吉

白君之出矣紅顏轉憔悴思君如明燭煎心且噉淚

同前

賈馮吉一作陳叔達

自君之出矣明鏡罷紅粧思君如夜燭煎淚幾千行

同前

徐幹

自君之出矣明鏡不曾持一作暗思君如流水無有窮已

時

古別離

沈佺期

白水東悠悠中有西行舟舟行有反棹水去無還流奈何
生別者戚戚懷遠遊遠遊誰當惜所悲會難收自居間芳
麗青陽四五適皓月掩蘭室光風虛蕙樓相思無明晦長
歎累冬秋離居久一作遲暮高駕何淹留

同前

王適

昔歲驚楊柳高樓悲獨守今年芳樹枝孤栖怨別離珠簾
晝不捲羅幔晚長垂苦調琴先覺愁容鏡獨知頻年鴈去
一作頻無消息罷却鴛紋一作去何用織夜還羅帳空有
來鴈渡一作頻情春著裙腰自無力青軒桃李落紛紛紫庭蘭蕙日氛氲
已能憔悴今如此更復含情一待君

同前

孟雲卿

朝日上高臺離人怨秋草但見萬里天不見萬里道君行
本遙遠苦樂誠一作良難保宿昔夢同衾憂心夢顛倒含酸
欲誰訴輾轉傷懷抱結髮年已深一作遲征行去何早寒暄
有時謝顛顛難再好人皆筭年壽死者何曾老少壯會無

一作見 期水深風浩浩

同前二首

趙微明

離別無遠近事歡情亦悲不聞車輪聲後會將何時去日
忘寄書來日乖前期縱知明當還一息千萬思

二

為別未幾日一日如三秋猶疑望可見日日上高樓唯見
分手處白蘋蒲芳洲寸心寧死別不忍生離憂

同前

姚係

涼風已嫋嫋露重木蘭枝獨上高樓望行人遠不知輕寒
入洞戶明月滿秋池燕去鴻來至年年是別離

同前

釋皎然

太湖三山口吳王在時道寂寞千載心無人見春草誰堪

忍緘默一作緘 怨者老特一作特 此傷懷抱孤舟畏狂風一夜一作點

宿煙島望所思兮若何月蕩漾兮空波雲離離兮北斷鴻

一作鴈 恥恥兮南多身去兮天畔心折兮湖岸春一作山風胡

為兮塞路使我歸夢兮撩亂

同前

權德輿

人生天地間譬若六轡馳天壽既常數奈何生別離跡當
中人域正情日已衰是非千萬境杳靄情塵滋出門事何
常暫別亦難期冉冉歎流景悠悠限山陂盡此一夕歡華
樽會前墀雞鳴東方曙夙駕臨通達欲出懶一作強移步欲
留難致詞兩情不得已念此留何為天明去已遠寂默居

人歸入門復上堂
怳怳生驚疑
經履同遊處
猶言常相隨
覽物或臨盤
翻惟來何遲
乃知前日歡
本為今日悲
翻思一作此別後心
寧及未見時
則知交踈分
久久翻易持
報君未別人
一作後別後當自知

同前

孟郊

松遷山一作雲繚繞
萍合一作水分離
雲去有歸日
水分無合時
芳景役雙目
一作春芳春色柔
四肢楊柳織
別愁千條萬條絲

潛別離

白居易

不得哭
潛別離
不得語
暗相思
兩心之外
無人知
深籠夜鎖獨栖鳥
利劍春斷連
理枝河水雖清濁
有日一作雖濁

鳥頭雖黑白
有時一作有時唯有潛離與暗別
彼此甘心無

後期

遠別離

李白

遠別離
古有皇英之二女
乃在洞庭之南
瀟湘之浦
海水直下
萬里深
誰人不言此
離苦
日慘慘兮
雲冥冥
惺惺啼煙兮
鬼嘯雨我縱言之
將何補
皇穹竊恐不照予之忠誠
雷憑憑兮
欲吼怒堯舜當之亦禪禹
君失臣兮
龍為魚
權歸臣兮
鼠變虎
或云堯幽囚舜野死
九嶷聯綿皆相似
重瞳孤墳竟何是
帝子泣兮
綠雲間
隨風波兮
去無還
慟哭兮
遠望見蒼梧之深山
蒼梧山崩
湘水絕
竹上之淚乃可滅

久別離

前人

別來幾春未還家玉窓五見櫻桃花况有錦字書開緘令

一作使人嗟此腸斷彼心絕雲鬟霧一作綠鬢罷一作梳擘一作結愁

如迴颺亂白雪去年寄書報陽臺今年寄書重相催東風

兮東風為我吹行雲使西來待來竟不來落花寂寞一作寂寂

委青苔

長別離

吳邁遠

生離不可聞况復長相思如何與君別當我盛一作少年時

蕙華每搖蕩妾心長一作空自持榮乏草木歡悴劇霜露悲

富貴貌難老一作難變貧賤顏易衰持此斷君腸君亦宜自

疑淮陰有逸將折羽不曾飛楚有扛一作非士出門不得歸正

為隆準公杖劍入紫微君才定如何白日下爭暉

生別離

梁簡文帝

別離四絃聲相思雙笛引一去十三年復無數書一作好音信

同前

白居易

食蘖不易食梅難蘖能苦兮梅能酸未如生別之為難苦

在心兮酸在肝晨雞再鳴殘月沒征馬嘶風一作連嘶行人出

迴看骨肉哭一聲梅酸蘖苦甘如蜜黃河水白黃雲秋行

人河邊相對愁天寒野一作路曠何處宿棠梨葉戰風颼颼

生離別生離別憂從中一作何來無斷絕憂積一作極心勞血

氣衰未年三十生白髮

離別曲

孟雲卿

結髮生離別相思復相保何知日已久五變庭中草耿耿

大一作天海途悠悠吳江島但懼一作恐不出門出門無遠道

遠道行既難家貧衣正一作服單嚴風吹積雪晨起鼻何酸

生人各有志一作意豈不懷所安分明上天一作天上日生死誓

同歡

文苑英華卷第二百二

詩五十三

樂府十一

幸甘泉宮歌二首

擢歌五首

紹古歌五首

勞歌二首

鞠歌二首

浩歌三首

長歌三首

短歌十六首

放歌四首

幸甘泉宮歌

梁簡文帝

雉歸海水寂裘來重譯通吉行五十里隨處宿離宮鼓聲

恒入地塵飛暗上一作上暗空尚書隨豹尾太史逐相風銅鳴

周國旂旗曳楚雲一作紅倖臣覆射罷從騎一作妓新歌終

董桃拜金紫賢妻侍禁中不羨神仙侶排煙逐駕鴻

同前

劉孝威

漢家迎夏畢避暑甘泉宮機車鳴里鼓駟馬駕相風校尉

烏丸騎待制

一作

樓煩

弓後

旌

猶

五

柞

前

笳

度

九

巖

才

人

豹尾內御酒屬車中輦廻百子閣扇動七輪風鳴鍾休衛

士披圖召後宮材官促

一作

校獵

涼

秋

戲

射

熊

擢歌

梁簡文帝

妾住在

一作

妾

家住

湘

川

菱

歌

本

自

便

風

生

解

刺

一作

浪

水

深

能捉船葉亂由牽荇絲飄為折蓮濺粧疑薄汗露衣似故

湔浣紗流暫濁汰錦色還鮮參伺同

一作

趙

飛

燕

借

問

李

延

年從來入絃管詎

一作

詎

在

擢

歌

前

同前

盧思道

秋江見底清越女復傾城方舟共米摘最得可憐名落花

流寶珥微吹動香纓帶垂連理濕棹舉木蘭輕避人

一作

順

傳細語因波送遠情誰能結錦纜薄暮隱長汀

同前

蕭岑

桂酒既潺湲輕舟亦乘駕鼓枻何所吟吟我皇唐化容與

滄浪中淹留明月夜

同前

魏收

雲潘添春浦花木足新流桃發武陵岸柳拂武昌樓

同前

駱賓王

寫月塗

一作

圖

黃

罷

凌

波

拾

翠

通

鏡

花

搖

芰

日

衣

麝

入

荷

葉密舟難蕩連疎浦易空鳳媒羞自託鴛翼恨難窮愁作
秋帳燈光一作翠倡樓粉色紅相思無別曲併在權歌中

紹古歌三首

梁簡文帝

翻階蛺蝶戀花情容華飛鷺相逢迎誰家總角岐路陰裁
紅點翠愁人心天窓綺井暖一作媛徘徊珠簾玉篋明鏡臺
可憐年幾十三四工歌巧舞入人意白日西落楊柳垂含
情弄態兩相知

二

西飛迷雀東驕一作飛雉倡樓秦女乍相值誰家天麗隣中
止輕粧薄粉光閭里網戶一作洞房珠綴曲瓊鈎芳茵翠被香
氣流少年年幾方三六含嬌聚態傾人目餘香落葉坐相

催可憐絕世為誰媒

三一作擬古又
云劉孝威作

雙栖一作飛翡翠兩鴛鴦巫雲山一作洛月乍相望誰家妖冶

折花枝衫長釧動任風吹一作娥眉月睇使情移金鋪玉鎖琉璃扇

花鈿寶鏡織成衣一作青鋪鎖窻琉璃美人年幾可十餘

含羞騁一作轉笑歛風裾珠丸出彈不可追空留可憐持與

誰

此詩二百五卷重出今已削去注異同為一首

同前

陳後主

池側鴛鴦春日鶯綠珠絳樹相逢迎誰家佳麗過淇上翠
釵綺袖波中漾雕軒繡戶花恒發珠簾玉砌移明月年時

二七猶未筭轉顧流盼鬢鬢低風飛葉落時一作將何故可惜可憐空擲度

同前

南飛鳥鵲北飛鴻弄玉蘭香時會同誰家可憐出窓牖春心萬媚勝楊柳銀床金屋挂流蘇寶鏡玉釵橫珊瑚今年一作年時二八新紅臉宜笑宜歌羞更歛風花一去春一作春香不歸只為無雙一作雙雙惜舞衣

勞歌

伍緝之

幼童輕歲月謂為一作言可久長一朝見零悴歎息向愁荒

一作秋霜迤邐已窮極疹一作疾疴復不康每恐死及我朝露見

日光作每恐先朝庶幾一作及盛年時驚逐情所忘一作暫逐

怨傷

同前

蕭摛

百年能幾許公事罷平生寄言任意正誰憐李少卿

鞠歌行

李白

玉不自言勝一作如桃李魚目笑之卞和耻楚國青蠅何太

多連城白壁遭讒毀荆山長號泣血人忠臣死為剛足鬼

聽曲知甯戚夷吾因小妻秦穆五羊皮買死百里奚洗拂

青雲上當時賤如泥朝歌鼓刀叟虎變磻溪中一舉釣六

合遂荒營丘東平生渭川一作水曲誰數一作載此老翁柰何

今之人雙日送飛鴻

同前

麗莫似漢宮妃 謙莫似黃家女 黃女持謙齒髮高 漢妃恃麗天廷去 人生容德不自保 聖人安用推天道 君不見蔡澤嵌枯詭 恠之形狀大言直 取秦丞相又不見田千秋 才智不出人 一朝富貴如有神 二侯行事在方冊 泣麟老人終困厄 夜光抱恨良嘆一作撲 悲日月逝矣吾何之

浩歌

權德輿

杖策出蓬華 浩歌愁興長 北風吹荷衣 蕭颯景氣涼 通達抵山郭 里巷連湖光 孤雲淨遠峯 綠水溢方塘 魚鳥樂天性 雜英互芬芳 我心獨何為 萬慮縈中腸 履道身未泰 主家謀不減 心為世教牽 跡寄翰墨場 出處兩未定 羈孤一作

空自傷 沉憂不可裁 佇立河之梁 晚歸茅簷下 左右陳壘觴 獨酌復長謔 放心遊八荒 得喪同一域 是非亦何常 胡為苦此生 矻矻徒自強 乃知盃中物 可令一作使憂患亡一作忘 因此謝時輩 棲息無何鄉

同前

白居易

天長地久無終畢 昨夜今朝又明日 鬢髮滄浪牙齒疎 不覺身年四十七 前去五十有幾年 把鏡照面心茫然 既無長繩繫白日 又無大藥駐朱顏 朱顏日夜不如故 青史功名在何處 欲留年少待富貴 富貴不來年少去 去復去 今如長河東流赴海無迴波 賢愚貴賤同歸盡 北邙塚墓高差峩 古來如此非獨我 未死有酒且高歌一作醉 顏回短命

伯夷餓我今所得亦已多功名富貴須推待一作命命苟不來一作命若不知奈何

同前

李賀

南風吹山作平地帝遣天吳移海水王母桃花千遍紅彭

祖巫咸幾迴死青毛駿一作馬參差錢嬌春楊柳含湘一作

細煙筆人勸我金屈卮神血未寧身是一作誰不須亂舞

浪飲一作丁都護世上英雄本無主買絲繡作平原君有酒唯

澆趙州土漏催水咽玉蟾蜍衛娘鬢一作薄不勝梳看一作

差見秋眉換深一作綠一作秋眉換綠世上男兒那剩促

長歌行

鮑明遠一作沈約

春隰黃綠柳寒冱積皓雪依依徃紀盈霏霏來思結思結

合浮榮末沉滅色隨夏蓮變鬢與秋霜羞道迫無異期賢

愚有同絕銜恨豈云亡天道無甄別功名識所職竹帛尋

摧裂生外苟難尋坐為長歎說一作

同前

王昌齡

曠野饒悲風颼颼稿一作蒿草繫馬倚一作白楊誰知我

懷抱所是同袍者相逢盡衰老北一作登漢家陵南望長

安道上有枯一作樹根下有鼯一作鼠窠高皇子孫

盡千載一作無人過寶玉頻發掘精靈其若一作何人生

須達命有酒且長歌

同前

劉復

淮南木落秋雲飛楚宮商歌今正悲青春白日不與我當
壚舉酒勸君持出門驅驅四方事徒用辛勤不得意三山
海底無見期百齡世間莫虛棄君不見金城帝業漢家有
東制諸侯欲長久姦雄竊命風塵昏函谷重關不能守龍
蛇出沒經兩朝胡虜憑陵大道銷河水東流宮闕盡五陵
松柏自蕭蕭

短歌

徐謙

窮通皆是運榮辱豈關身不願一作門前客看時逢故人

同前

意氣青雲裏爽朗煙霞外不羨一囊錢唯重心襟會

同前二首

送和錄事歸台
州因寄蘇使君

杜甫

前者途中一相見人事經年一記君面後生相勸何寂寞
有長才不貧賤君今起梅春江流余亦沙邊具小舟幸爲
達書賢府主江花未盡會江樓

二贈王郎
同前

王郎酒酣拔劍斫地歌莫哀我能拔爾抑塞磊落之奇才
豫章翻風白日動鯨魚跋浪滄溟開且脫佩劍休徘徊西
得諸侯棹錦水欲向何門跋朱履仲宣樓頭春已深青眼
高歌望吾子眼中之人吾老矣

同前

李白

白日何短短百年苦易滿蒼穹浩茫茫萬劫太極長麻姑
垂兩鬢一半已成霜天公見玉女大笑億千場吾欲攬六

龍迴車挂扶桑北斗酌美酒勸龍各一觴富貴非所願爲
人駐顏光

同前

文粹作悲歌
集作短歌行 三首

顏况

邊城路今人犁田昔人墓岸上沙昔時江水今人家今人
昔人共長歎四氣相催節迴換明月皎皎入華池白雲離
離度清漢我欲昇天天隔霄我欲渡水水無橋我欲上山
山路險我欲汲井井泉遙越人翠被今何夕獨立沙邊江
草碧紫燕西飛欲寄書白雲何處逢來客

一作
蹤跡

二

新繫青絲百尺繩心在君家轆轤上我心皎潔君不知轆
轤一轉一惆悵何處春風吹曉幕江南淶水通朱閣美人

二八顏如花泣向春

一作
東

風畏花落臨春風聽春鳥別時

多見時少愁人一夜不得眠瑤井玉繩相對曉

三

軒轅黃帝初得仙昇湖一去三千年周流三十六洞天洞
中日月星辰聯騎龍駕景遊八極軒轅弓劍無人識東海
青童寄消息

本集自臨春風至軒轅以下爲一首列之第三篇文
苑所載多脫略今從文粹及集本添入但不用序文

同前二首

白居易

世人求富貴多爲奉一作身嗜欲盛衰不自由得失常相逐
聞君少年日苦學將干祿負芟塵中遊抱書雪前讀布衾

不周體藜茹纔克腹四一作十登官途五十被朝服奴温
新挾纊馬飽初食粟未敢議歡遊尚爲名檢束耳目聾暗
後堂上調絲竹牙齒缺落時盤中堆酒肉彼來此已去外
餘中不足少壯與榮華相避如寒燠青雲去地遠白日經
天速從古無奈何短歌空一作一曲

二

曛曛太陽如火色上行千里下一刻出爲白晝入爲夜團
轉如珠住不得住不得可奈何爲君舉酒歌短歌歌聲苦
詞亦苦四座少年君聽取今夕未竟明旦催秋風纔往春
風迴人無根帶時不駐朱顏白日相隳頽勸君且強笑一
面勸君復強飲一盃人生不得長歡樂年少須臾老到來

同前

馮著

寂寂草中蘭亭亭山上松貞芳日有分生長耐相容結根
各得地幸沾雨露功參辰無停泊且顧一西東君但開懷
抱倩恨莫怱怱

同前

釋皎然

古人若不死吾亦何所悲蕭蕭煙雨九原上白楊青松塋
者誰貴賤同一塵死生同一指人生萬代一作在世共如此何
似一作浮雲與流水短歌行短歌無窮日已傾鄴宮梁苑
徒有名春草秋風傷我情何爲不學金仙侶一悟空王無
死生

同前

聶夷中

八月木陰一作薄十葉三墮枝人生過五十亦已同此時

朝出東郭門嘉樹鬱參差暮出西郭門原草已離披南隣

好臺榭北隣善歌吹榮華忽銷散一作四顧令人悲生死

與榮辱四者乃常期古人耻其名沒世無人知無言鬢似

霜勿謂事一作髮如絲耆年無一善何殊食乳兒

同前 釋子蘭

日月何忙忙出沒住不得使我勇壯心少年如頃刻人生

石火光通時少與塞四季倏往來寒暑變為賊偷人面上

花奪人頭上黑

同前 司空圖

鳥飛飛兔蹶蹶朝來暮去催時節女媧只解補青天不解

煎膠粘日月

同前 王貞白

物候來相續新蟬送晚鶯百年休倚賴一夢甚分明金鼎

神仙隱一作秘銅壺晝夜傾不如早立德萬古有其名

放歌行

南望一作渡洛陽津西望十二樓明堂坐天子月朔朝諸侯

清樂動千門皇風被九州慶雲從東來決漭抱日流昇平

貴論道文墨將何求有詔徵草澤微誠將獻謀一作獻冠

冕如星羅拜揖曹與周望塵非吾事入職一作賦且遲留幸

蒙國士識自一作因脫負薪裘今者放歌行以慰梁甫愁位

榮數斗祿奉義本一作養母豐羞願一作若得金膏遂飛雲亦可

籌一作壽

同前

李頎

少年學文耻學武世上功名不鮮取雖沾寸祿已後時徒
 欲出身仕明主栢梁賦詩不及宴長楸走馬誰相數飲亦
 俛眉心自高含歌擊節聲半苦由是蹉跎一丈夫養鷄牧
 豕東城隅空歌漢代蕭相國肯事霍家馮子都虛爾當年
 名籍籍濫作詞林兩京客故人斗酒安隱橋黃鳥春風洛
 陽陌吾家令弟才不羈五言破的人共推興來逸氣如湓
 湧千里長江歸海時別離短景何蕭索佳句相思能問作
 舉頭南望魯陽山木葉紛紛向人落

同前

孟雲卿

吾觀天地圖世界亦何小落落大海中飄浮數洲島賢
 與蟻虱一種同草草地脉日夜流天衣有時掃東山謁居
 士了我生死道自見難噬臍心通可親腦軒皇竟磨滅周
 孔亦衰老末謝當時人吾將寶非寶

同前

權德輿

夕陽不駐東流急榮名貴在當年立青春虛度無所成白
 首銜悲亦何及拂衣西笑出東山君臣道合俄頃間一言
 一笑玉墀上變化生涯如等閑朱門杳杳列華戟坐中皆
 是玉侯客鳴環動珮暗珊珊駿馬花驟白玉鞍十年斗酒
 不知貴半醉留賓邀盡歡銀燈一作燭煌煌夜將久侍婢金
 壘瀉春酒春酒盛來琥珀光暗聞蘭麝幾般香乍看皓腕

映羅袖微聽清歌發杏梁雙鬟美人君不見一一皆勝趙
飛燕迎杯乍舉石榴裙勻粉時交合歡扇未央鍾漏醉中
聞聯騎朝天曙色分雙闕烟雲遙靄靄五衢車馬亂紛紛
罷朝鳴佩驟歸鞍今日還同昨日歡歲歲年年恣遊讌出
門滿路光輝遍一身自樂何足言九族為榮真可羨男兒
稱意湏及時閉門下帷人不知年光看逐轉蓬盡徒詠東
山招隱詩

文苑英華卷第二百三

詩五十四

文苑英華卷第二百四

樂府十三

長門怨二十首

長信宮五首

西宮秋一作愁怨二首

昭君怨三十五首

班婕妤怨九首

銅雀臺七首

銅雀妓九首

湘妃怨二首

長門怨

喬備

秋入長門殿木落洞房虛妾思宵夜靜君恩日更疎墜露
清金閣流螢點玉除還將閨裏恨遙問馬相如

同前

沈佺期

月皎風泠泠長門次掖庭玉階聞墜葉羅幌見飛螢清露

凝珠綴流塵下翠屏妾心君未察愁嘆劇繁星

同前

崔顥

君王寵初歇棄妾長門宮紫殿青苔滿高樓明月空夜愁
生枕席春意罷簾櫳泣盡無人問容華落鏡中

同前

劉長卿

何事長門閉珠簾只自垂月移深殿早春向後宮遲蕙草
生閑地梨花發舊枝芳菲似恩幸看着一作却被風吹

同前

岑參

君王嫌妾妬閉妾在長門舞袖垂新寵愁眉結舊恩綠錢
侵一作生履跡紅粉濕啼痕羞被天桃一作桃花笑看春獨不言

同前

賈至

獨坐思千里春庭曉景長鸞喧翡翠幙柳覆鬱金香舞
繁愁緒繁花對靚粧深情託瑤瑟絃斷不成章

同前

盧綸

空宮古廊殿寒月落斜暉臥聽未央曲滿箱歌舞衣

同前

釋皎然

春風日月閉長門搖動春心似夢竟若遣花開只笑妾不

如桃李自一作正無言

同前

戴叔倫

自憶專房寵曾居第一流移恩向他處一作向處去暫妬

不容收夜靜一作夕管絃一作絃管絕月明宮殿秋空將舊時意

長望鳳凰樓

同前

裴文泰 一作交太

自閉長門經幾秋羅衣濕盡淚還流一種蛾眉明月夜南

宮歌吹 一作管 北宮愁

同前

齊澣

宮殿沉沉月欲分昭陽更漏不堪聞珊瑚枕上千行淚不

是思君是恨君 一作半是思君半恨君

同前

劉皐

營營孤思通寂寂長門夜夕 一作夕 妾妬亦知非 一作君 君恩那

不借 一作惜 携琴就玉堦調悲聲未諧將心寄 一作記 明月流

影入君懷

同前

劉言史

獨坐爐邊結夜愁暫時恩去亦難收 一作留 手持金筋垂紅

淚亂撥寒灰不舉頭

同前

耿緯

聞道昭陽宴嘖蛾落葉中清歌逐寒月遙夜入深宮

同前

楊衡

絲聲繁兮管聲急珠簾不捲風吹入萬遍凝愁枕上聽千

迴候命花間立望望昭陽信不來迴眸獨掩紅巾泣

同前

劉緩

雨滴梧桐秋夜長愁心和淚 一作雨 到昭陽啼痕不學君恩

斷拭却千行更萬行

同前

劉得仁

爭得一人聞此怨長門深夜有妍姝早知雨露翻相誤只
插荆釵嫁匹夫

同前

張喬一作劉駕

御泉長統鳳凰樓自

一作只

是恩波別處流閑蝶舞衣歸未

得夜來砧杵六宮秋

同前二首

王貞白

寂寞故宮春殘燈曉尚存從來非妾過

一作妬

偶爾失君恩

花落傷容鬢鶯啼驚夢竟翠華如可待應免老長門

二

葉落長門靜苔生永巷幽相思對明月獨坐向空樓鬢駕
迷終轉蛾眉老自愁昭陽歌舞伴此夕未知秋

右長門怨詩劉臯耿緯楊衡劉緩王貞白第二首皆用

昭陽字按昭陽乃趙飛燕事與陳后長門宮不相關此

所未詳

長信宮

一作婕妤怨

崔國輔

長信宮中草年年愁處生為

一作時又作故

侵珠履跡不使玉堦

行

同前

一作長信怨二首

金井梧桐秋葉黃珠簾不捲夜來霜薰籠

一作金爐

玉枕無顏

色臥聽南宮

一作宮中

清漏長

二

奉帚平明秋

一作金

殿開且

一作暫

將團扇共徘徊玉顏不及

寒鴉色猶帶昭陽日影來

右三首此集元在長門怨中今以文粹及郭茂倩樂府
改作長信宮

同前

田氏

團圓手中扇昔為君所持今日君棄捐復值秋風時悲將
入篋筭自嘆知何為

同前

劉方平

夢裏君王近宮中河漢高秋風能再熱團扇不辭勞

同前

王昌齡

芙蓉不及美人粧水殿風來珠翠香誰問

一作

含啼掩秋

扇空懸明月待君王

二

西宮夜靜百花香欲捲珠簾春恨長斜抱雲和深見月朧
朧樹色隱昭陽

昭君怨

梁簡文帝

玉艷光瑤質金鈿婉黛紅一去葡萄觀長別披香宮秋蟾
照漢月愁帳入胡風妙工偏見詆無由情恨通

同前

沈約

朝發披香殿夕濟汾陰河於茲懷九折自此斂雙蛾露粧

如一作

湛露繞臉

一作

狀流波日見奔沙起稍覺轉蓬多

胡風犯肌骨非直傷綺羅銜深試南望關山鬱嵯峨始作
傷春曲終成苦寒歌唯有三五夜明月暫經過

同前

武陵王

塞外無春色邊城有夙霜誰堪覽明鏡持許照紅粧

同前

何遜 一作 妥

昔聞別鶴弄已自軫離情今來昭君曲還悲秋草并

同前

梁王叔英妻劉氏

一生竟何定萬事良 一作 敢 難保丹青失舊儀玉匣成秋草

想妾辭關淚至今猶未燥漢使汝南還殷勤爲人道

同前二首

梁范靜妻沈氏

早信丹青巧重賂 一作 貨 洛陽 毛延壽長安人作洛陽非 師千金盡 一作 買

蟬鬢百萬寫蛾眉

二

今朝猶漢地明且入胡關高堂歌吹少遊子夢中還 一作 情

南雲反思 逐北風還

同前

梁施榮泰

重羅下椒閣舉袖拂胡塵寂寞 一作 唧唧 撫心嘆蛾眉誤殺人

同前

張正見

塞樹暗胡塵霜樓明漢月淚染上春衣憂變華年髮

同前

陰鏗 一作 東昭

跨鞍今未訣垂淚別親賓漢地隨行盡胡關逐望新交河

擁寒霧 一作 露 隴日 一作 首 聞沙塵唯有孤明月猶能送遠 一作

送遠人

同前二首

庾信

拭啼辭戚里迴顧望昭陽鏡失菱花影釵除却月梁圍腰
無一尺垂淚有千行綠衫承馬汗紅袖拂秋霜別曲真多
恨哀絃須更張

二

斂眉光祿塞遙望夫人城片片紅粧落雙雙淚眼生水河
牽馬度雪路抱鞍行朔風入骨冷夜月照心明方調琴上
曲變作胡笳聲

同前

陳後主

圖形漢宮裏遙聘單于庭狼山聚雲暗龍沙飛雪輕笳吟
度隴咽笛轉出關嗚啼粧塞一作寒葉下初月愁眉生一作愁眉
初生只餘馬上曲猶作別時聲

同前

薛道衡

我本良家子充選入椒庭不蒙女使進更失畫師情蛾眉
非本質蟬鬢改真形專由妾命薄一作寒誤使君恩輕啼霑

一作落渭橋路嘆別長安城夜依一作今夜寒草宿朝逐一作朝朝轉

蓬征却望關山迥前瞻沙漠平胡風帶秋月嘶馬雜笳聲
毛裘易羅綺氊帳代帷屏自知蓮臉歇羞看菱花明釵落
終應棄髮一作髻解不須縈何用單于重詎假閼氏名馭驄
聊強食桐酒未能傾心隨故鄉斷愁逐塞雲生漢宮如有
憶為視旄頭星

同前

盧照隣

金殿恩中絕交河使漸稀肝腸隨一作辨玉輦形影向金微

漢宮草應綠胡庭沙正飛願逐三秋鴈年年一度歸

同前

駱王賓

斂容辭豹尾緘恨

一作怨

度龍鱗金鈿明漢月玉筋染胡塵

粧一作古

鏡菱花暗愁眉柳葉嚙唯有清笳曲時聞芳樹春

同前

張文琮

我途飛萬里迴首望三秦忽見天上雪還疑上苑春玉痕

垂淚粉

一作粉淚

羅袂拂胡塵為得夢中曲還悲遠嫁人

同前二首

董思恭

琵琶馬上彈行路曲中難漢月正南遠燕山直北寒髻鬟

風拂亂

一作散

眉黛雪沾殘斟酌紅顏改

一作盡

徒勞握鏡看

一作何勞

二

新年猶尚小那堪遠聘秦裾衫沾馬汗眉黛染胡塵舉眼無相識路逢皆異人唯有梅將李猶帶故鄉春

同前三首

陳方虬

漢道今

一作初

全盛朝廷足武臣何煩

一作湏

薄命妾辛苦遠

和親

二

旃涕辭丹鳳銜悲向白龍單于浪驚喜無復舊時容

三

塞外無青草

一作胡地無花草

春來不似春自然衣帶緩非是覓

一作為腰身

同前

郭元振

聞有河南一作南河信傳言殺盡師始知君念一作惠重更復惜

一作造盡蛾眉

同前

銜悲出漢關落淚洒胡鞍關榆三夏凍塞柳九春寒眉任愁中結腰隨帶裏寬別曲易悽斷哀絃不忍彈

同前

顧朝陽

莫將鉛粉匣不用鏡花光一去邊城路何情更畫粧影銷胡地月衣盡漢宮香妾死非關命都一作抵緣怨斷腸

同前

上官儀

玉關春色曉一作晚金河路幾千琴悲桂條上笛怨柳花前

雲捲臨粧鳳月一作月風驚入髮頰蟬緘書待還使淚盡白

雲又天作日天

同前二首

李白

漢家秦地月流影送明妃一上玉關道天涯去不歸漢月還從東方出明妃西嫁無來日臙脂長寒雪作花媚眉顛額沒胡沙生乏黃金在圖畫死留青塚使人嗟

二

昭君拂玉鞍上馬啼紅頰今日漢宮人明朝胡地妾

同前二首

儲光義

日暮驚沙亂雪飛傍人相勸易羅衣強來前帳看歌舞共待單于夜獵歸

二

胡王知妾不勝悲樂府皆傳漢國詞朝來馬上箜篌引稍

似雲一作宮中閑夜時

同前

釋皎然

自倚嬋娟望主恩誰知美惡忽相翻黃金不買漢宮貌青

塚空埋胡地魂

同前

梁氏瓊

自古有一作無和親天移一作貼到妾身胡一作胡風嘶去馬漢

月弔行輪衣薄狼山雪粧成虜塞春回看父母國生死畢

胡塵

同前

白居易

明妃風貌最娉婷合在椒房應四星只得長一作當年備宮

掖何曾專夜奉帳一作幃屏見踈從道迷圖畫知屈那教配

虜庭自是君恩薄如紙不須一向恨丹青

同前二首

時年十七

前人

滿面胡沙滿面風眉銷殘黛臉銷紅愁苦辛勤顛顛盡如

今却似畫圖中

二

漢使却迴憑寄語黃金何日贖蛾眉君王若問妾顏色莫

道不如宮裏時

班婕妤怨

梁孔翁歸

長門與長信日暮九重空雷聲聽隱隱車響絕籠籠一作籠

恩光隨妙舞團扇逐秋風
鉛花誰不見一作慕
人意自難同一作終

同前

梁劉孝綽

應門寂已閉非復後庭時
况在青春日萋萋
綠草滋妾身似秋扇
君恩絕履綦誰一作詎
憶遊輕輦徒令一作從今
賤妾辭

同前

梁何思澄

寂寂長信晚雀聲
愁洞房蜘蛛網高閣
駭蘇被長廊虛殿
簾帷寂閑堦花蘂香
悠悠視日暮還復守一作拂
空床

同前

梁徐俳妻劉氏

日暮應門閉愁思百端生
况復昭陽近風傳歌吹
聲寵移真一作終
不恨讒狂太無情
抵心言爭分理非妬一作獨
舞腰輕

同前

陳陰鏗

栢梁新寵盛長信昔恩傾
誰為諸人巧一作詩書重
翻為歌舞輕花月分窓進
苔草共堦生一作妾又作憶
淚衫前滿单眠冤

一作夢裏驚可惜逢秋扇何用合歡名

同前

崔湜

不分君恩斷新粧
視鏡中容華尚春日
嬌色已秋風枕席
臨燈一作恣曉屏帳一作惟屏
向月空年年後庭樹
榮落在深宮

同前

王維

宮殿生秋草君王寵一作恩
幸疎那堪聞鳳吹
門外度金輦

同前

女郎劉雲

君恩不可再一作見
妾豈如秋扇秋扇尚有時
妾身永微賤

莫言朝花不復落嬌容幾奪昭陽殿

同前

陳標

掌上恩移玉帳空香珠滿眼泣春風飄零怨柳凋眉翠狼籍愁桃墜臉紅鳳輦祗應三殿北鸞聲不散五湖中笙歌處處迴天睽獨自無情長信宮

銅雀臺

荀仲舉

高臺秋色晚銅雀一作直置已淒然况復歸風便松聲入

管一作斷絃淚逐梁塵下心隨團扇捐誰堪三五夜空對月

光圓

同前

張正見

荒涼銅雀晚搖落墓田通雲慘當歌日松吟欲舞風人踈

瑤席冷曲罷總惟空可惜年年一作將淚俱盡望陵中

同前

劉廷琦

銅雀宮觀委灰塵魏主園陵漳水濱卽今西望猶堪思况復當時歌舞人

同前

賈至

日暮銅臺靜西陵鳥雀歸撫絃心斷絕聽管淚霏微一作霏霏

靈柩臨期奠空床卷寢衣蒼蒼川上月應照妾魂飛

同前

馬戴

魏宮歌舞地蝶戲鳥還鳴玉座人難想一作到銅臺雨滴平

西陵樹不見漳浦草空生萬恨盡埋此徒懸千載名

同前

女郎張琰一作瑛

君王冥漠不可見銅雀歌舞空徘徊西陵憤憤悲宿鳥高
殿沉沉閉青苔青苔無人跡紅粉空自哀

同前

女郎程長文

君王去後行人絕簫箏不響歌喉咽雄劍無威光彩沉寶
琴零落金星滅玉堦寂寂墜秋露月照當時歌舞處當時
歌舞人不迴化為今日西陵灰

銅雀妓

何遜

秋風木葉落蕭瑟管絃清望陵歌對酒向帳舞空城寂寂
庭一作簷宇曠飄飄帷幔輕曲終相顧起日暮松柏聲

同前

劉孝綽

雀臺三五日絃一作歌吹似佳期况復一作更對西陵晚松風吹

總一作飄素惟危弦斷復續一作更妾心傷一作傷於此時誰言

客袂還一作翻掩望陵悲

同前

喬知之

金閣早一作惜分香鉛華不重粧空餘強歌舞一作歌猶是
為君王哀絃調已絕曲艷不須長共看西陵暮秋烟生白

楊

同前

商高

日暮銅雀迴秋一作幽深玉座清蕭森松柏望委鬱羅綺一作

羅綺情君恩不再得一作再重妾舞為誰輕

同前

李邕

西陵望何及絃管徒在茲誰言死者益但令生者悲丈夫

有餘志兒女焉足私擾擾多俗情投迹牙相師直節豈感
激荒淫乃淒其頽水有許由西山有伯夷頌聲何寂寥唯
聞銅雀詩君舉良未易永爲後代嗤

同前

釋皎然

強開罇酒向陵看憶得君王舊日歡不覺餘歌悲自斷非
閔艷色一作轉聲難

同前

朱放

恨唱歌聲咽愁翻舞袖遲西陵日欲暮是妾斷腸時

同前

劉方年

遣令奉君王嘔娥強一粧歲移陵樹色恩在舞衣香玉座
生秋氣銅臺下夕陽淚痕沾井幹舞袖爲誰長

同前

歐陽詹

蕭條登古臺迴首黃金屋落葉不歸林高陵永爲谷粧容
徒自麗舞態閱誰目惆悵總惟空一作鳴咽歌聲苦於哭

湘妃怨

陳羽

二妃愁

一作怨

處雲沉沉二妃怨

一作哭

處湘江

一作水

深商人

酒滴廟前草蕭索

一作風

風生斑竹林

同前

王貞白

舜欲省蠻陬南巡非逸遊九山沉白日二女泣滄洲日極
楚雲斷恨深湘水流至今聞鼓瑟咽絕不勝愁

文苑英華卷第二百四

文苑英華卷第二百五

詩五十四

樂府十四

古意三十三首

擬古十四首

古意三首

梁吳均

雜虜寇銅鞮征役去三齊扶山剪踈勒傍海掃沉黎光夜

悉如一作電夜一作劍光馬汗盡成泥何當見天子畫地取

關西

此詩一百九十六卷重出今已削去注異同為一作

二

匈奴數欲盡僕在玉門關蓮花穿劍鏑秋月掩刀環春機

鳴窈窕夏木思一作鳥綿蠻中人坐相望狂夫終不還

三

西都盛冠蓋九逵塵霧塞中有惡少年伎能專自得玉鞭
蓮花紐金苕流星勒聊為路傍人寫鞞長秋北

同前

王僧孺

青絲一作被燕馬紫艾飾吳刀朝風吹錦帶晚一作日暎

珠袍陸離闕右客照耀山西豪雖非學詭遇終是任逢遭

人生會有死得處如鴻毛寧能若一作雞鷺寂寂隱蓬蒿

同前

劉孝綽

燕趙多佳麗白日照紅粧蕩子十年別羅衣雙帶長春樓

怨難守玉堦悲自傷復此歸飛燕一作對此銜泥遶曲房

差池入綺幙上下傍雕梁故居猶尚爾故人何一作可忘

相思昏望絕宿昔夢容光竟交忽在御轉側定他鄉徒然

顧一作枕席誰與同衣裳空使蘭膏夜炯炯對繁霜

此詩二百四十七卷重出今已削去注異同為一作

同前

逶迤臨雲雨蛾眉戲瓊一作臺對酒自嬌笑君王肯下來

擊鼓雷闐闐選妓紛呈才錫宴池上子精鬼醉不迴指日

窮所樂豈知殷運開孤舟一遙放層構成塵埃

長安古意一首

盧照隣

長安大道連狹斜青牛白馬七香車玉輦縱橫過主第金

鞭絡繹向侯家龍銜寶蓋承朝日鳳吐流蘇帶晚霞百丈

遊絲爭繞樹一群嬌鳥共啼花啼花戲蝶千門側碧樹銀

臺萬種色複道交窓作合歡雙闕連薨垂鳳翼梁家畫閣
 天中起漢帝金莖雲外直樓前相望不相知陌上相逢詎
 相識借問吹簫向紫烟曾經學舞度芳年得成比目何辭
 死願作鴛鴦不羨仙比目鴛鴦真可羨雙去雙來君不見
 生憎帳額綉孤鸞好取開簾帖雙燕雙燕雙飛迳畫梁羅
 帷翠被鬱金香片片行雲著蟬鬢纖纖初月上鷓髮淡黃
 粉白車中出含嬌含態情非一妖童寶馬鐵連錢倡婦盤
 龍金屈膝御史府中烏夜啼廷尉門前雀欲棲隱隱朱城
 臨玉道遙遙翠幃沒金堤挾彈飛鷹杜陵北探丸借客渭
 橋西俱邀俠客芙蓉劍共宿倡家桃李蹊倡家日暮紫羅
 裙清歌一轉口氣氤氳北堂夜夜人如月南陌朝朝騎似雲
 南陌北堂連北里五劇三條控三市弱柳青槐拂地垂佳
 氣紅塵暗天起漢代金吾千騎來翡翠屠蘇鸚鵡杯羅襦
 寶帶為君解燕歌趙舞為君開別有豪華稱將相轉日迴
 天不相讓意氣猶來排灌夫專權判不容蕭相專權意氣
 本英雄青虬紫燕坐生風自矜歌舞長千載自謂驕奢陵
 五公節物風光不相待桑田碧海須臾改昔時金堦白玉
 堂即今唯見青松在寂寂寥寥楊子居年年歲歲一牀書
 獨有南山桂華發飛來飛去襲人裾

古意二首

沈佺期

盧家少一作小婦鬱金堂海燕雙栖玳瑁梁九月寒砧催下
 葉十年征戍憶遼陽白狼河北軍一作音書斷丹鳳城南秋

夜長誰知含情

一作愁

獨不語

一作見

使妾明月對

一作照

流黃

二

八月涼風動高閣三千

一作千金

麗人卷綃幕已憐地上歇芳

菲不見君恩復搖落世上榮枯如轉蓬是時阡陌暮雲中

飛燕恃寵昭陽殿班姬飲恨長信宮長信宮昭陽殿春來

歌舞妾自知秋至簾櫳君不見古時羸女厭世紛學吹鳳

簫乘綵雲含情轉睩向蕭史千載童顏持贈君

同前

邢象玉

家中酒新熟園裏木初榮停杯欲取醉悒然思友生忽聞

有奇客何姓復何名嗜酒陶彭澤能琴阮步兵何須問寒

暑徑共坐山亭舉袂祛袿啼鳥揚巾掃落英心神無俗累歌

詠有新聲新聲是何曲滄浪之水清

同前

和李侍郎

喬知之

妾家巫山隔漢川君度南庭向胡宛高樓迢遞想金天河

漢昭回更悽然夜如何其夜未央閑花照月愁洞房自矜

夫壻勝王昌三十曾作侍中郎一從流落成漁陽懷哉萬

恨結中腸南山冪冪兔絲花北陵青青女蘿樹由來花葉

同一根今日枝條分兩處三星差池光照燭北斗西指秋

雲薄莖枯綠謝葉憔悴香消花盡色零落美人長嘆艷容

萎含情收取摧折枝調絲獨彈聲未移

一作調絃獨坐朱顏移

感君

行坐星歲遲閨中宛轉今若斯

一作苦思

誰能爲報征人知

同前

吳少微

洛陽芳草向春開洛陽女兒平旦來流車走馬紛相催推

一作折芳瑤草向曲臺曲臺自有千萬行重花累葉間垂楊

北林朝日錦明光南國微風蘇合香可憐窈窕女下作耶

鄴倡妙舞輕迴拂長袖高歌浩唱發清商歌終舞罷歡無

極樂往悲來長歎息陽春白日不少留紅榮一作花碧樹無

顏色碧樹風花先春度珠簾粉澤無人顧如何年少忽遲

暮坐見明月與白露白露明月夜已寒香衣錦帶空珊珊

今日陽春一妙曲鳳凰樓上與君彈

同前

蔣冽

昨夜巫山中失却陽臺女今日粧閣裏獨伴楚王語

同前

常建

井底玉冰動地明琥珀轆轤青絲索仙人騎鳳披綵霞

上銀瓶照天閣黃金作身雙飛龍口銜明月噴芙蓉一時

渡海望不見晚上青樓十二重

同前

崔顥

十五嫁王昌盈盈出畫堂自矜年正小復倚壻為郎舞愛

前溪綠歌憐子夜長閑時聞百草度日不成粧

同前六首

崔國輔

遺却珊瑚鞭白馬驕不行章臺折楊柳春日路傍情

此詩一百九十四卷重出今已削去

二

玉籠薰羅裳着罷眠洞房不能春風裏吹却蘭麝香

三

湖南與君別湖北憶君歸湖裏鴛鴦起雙雙他自飛

四

種棘遮藤蕪畏人來摘殺比至狂夫還看看幾花發

五

歸來日尚早却欲向芳洲渡口水潦急迴船不自由

六

淨掃黃金塔飛霜厚如雪下簾彈箜篌不忍見秋月

同前

李頎

男兒事長征生作一作

幽燕客賭

一作

勝馬蹄

下由來輕

七尺殺人莫敢前髮如蝟毛磔黃金隴底白雲飛未得報

思不得歸遼東小婦年十五慣彈琵琶會歌舞合爲光

出塞聲使我三軍淚如雨

同前

崔曙

綠筍總成行紅花亦成子能當此時好獨自幽閨裏夜夜

苦更長愁來不如死

同前

崔萱

灼灼葉中花夏萎春又芳明明天上小蟾缺圓復光未如

君子情朝違夕已忘王帳枕猶暖統扇思何長願因西南

風吹上玳瑁床嬌眠錦衾裏宛轉雙鴛鴦

同前

戴伏瑛

窮秋朔風起滄海愁陰漲虜騎掠河南漢兵屯灞上羽書

驚沙漠刃斗諠亭障關塞何蒼茫邊烽迤相望弱齡負雄
節俠客多招訪投筆棄書生提戈逐飛將拔劍照霜白怒
髮衝冠壯會立萬里功視君封侯相

同前

權德輿

家人強進酒酒後能忘情持杯未飲時衆感紛已盈明月
照我旁一作房庭柯振秋聲空庭白露下枕席涼風生所思
萬里餘水闊山縱橫佳期憑夢想未曉愁雞鳴願得一心
人當年歡樂并長筵映玉姐素指一作手彈秦箏暇睇呈巧
笑惠音激淒清此願良未果永懷空如醒

同前三首

賦贈陸大夫十二丈

孟郊

蓮子不可得荷花生水中猶勝道傍柳無事一作時蕩春風

二

綠萍與荷葉同在一泉一作此中風吹荷葉在綠萍西復

東

三

蓮花不開一作葉時苦心終日卷春水一作風徒蕩漾荷花

未開展

同前

張夫人

輓轡曉轉素絲綆桐聲夜落蒼苔塼涓涓吹溜若時雨濯
濯佳蔬非用天丈夫不解此中意抱甕當時徒自賢

同前

梁銓

妾家巫峽陽羅帳寢銀床曉日臨窓久春情引夢長落釵

仍在髮微汗欲消黃縱使蒙籠覺覓遊逐楚王

同前

劉商

達曙寢衣冷開門霜露凝風吹昨夜淚一片枕前冰

同前

賈島

碌碌復碌碌百年雙轉轂志士中夜心良馬白日足俱為

不等閑誰是知音目眼中兩行淚曾弔三獻玉

擬古

此詩已見二百三卷

劉孝威

同前

此詩已見二百六卷

辛德源

同前

崔融

飲馬臨濁河濁河深不測河水日東注河源迴西極思君

正如此誰為生羽翼日夕大川陰雲霞千里色所思在何

處宛在機中織離夢當有覓愁容定無力夙齡負奇志中

夜多歎息拔劍斬長榆彎弧射小棘班張固非擬衛霍行

可即寄謝閨中人努力加飡食

同終南山擬古

胡師耽

結廬終南山西北望帝京烟霞亂鳥道劣見長安城宮雉

牙相映雙闕雲間生鐘鼓沸閭闔笳管咽承明朱門臨槐

路紫蓋飛縱橫望望未極已甕牖秋風驚巖岫草木黃飛

鴈遺塞聲墜葉積幽逕繁露垂荒庭甕中酒新熟澗谷寒

蟲鳴且對一壺酒安用世間名寄言市朝客君土樂太平

擬古

何思澄

故交不可忘猶如蘭桂芳新知雖可悅不異茱萸香妾有

鳳鷁一作皇曲非無陌上桑薦君君不御抱琴自悲涼

同前贈陳子昂此詩見二百四十九卷

喬知之

同前三首

徐彥伯

讀書三十載馳騫周六經儒衣干時主忠策獻闕庭一朝
奉休明從容厠群英束身趨建節秉筆坐承明
齋署相填噓寮史紛縱橫五日休澣時屠蘇繞玉屏
橘花覆北沼桂樹交西榮樹栖兩鴛鴦含春向我鳴
皎潔綺羅艷便娟絲管清擾擾天地間出處各有情
何必巖石下枯槁閑此生

二

遙裔烟嶼鴻雙影旦夕同交翰倚沙月和鳴弄江風
旌若茂芳序君子從遠戎雲生陰海沒花落春潭空
紅淚掩促

錦衾羅熏籠自傷瓊苞一綠詎惜鉛粉紅裂帛附雙燕為

余向遼東

三

顏光無淹晷逝水有迅流綠苔紛易歛紅顏不再求
歌笑當及春無令壯志秋弱年仕關輔門豁王疑御溝敷
愉東城際婉變南陌頭荷花嬌綠水楊葉暖青樓中
有綠疑作綺羅人可憐名莫愁畫屏繞金膝珠簾懸玉鈎
纖指調寶瑟泠泠哀且柔贈君鴛鴦帶因以鸚鵡裘
向曉吟日坐閨夕秉燭遊無作北門客咄咄懷百憂

同前

李白

生者如過客死者如一作為歸人天地一逆旅同悲萬古塵

月兔空擣藥扶桑已成薪白骨寂無語一作言青松豈知春
前後皆歎息浮雲何足珍

同前

釋皎然

日出天地正煌煌闢晨曦六龍驅群動古今無盡時夸父
亦何愚兢走先自疲飲乾咸池水折盡長桑枝渴死化燭
火嗟嗟徒爾為空留鄧林在折盡一作推折令人嗤

同前

郭茂倩集樂府作東飛伯勞歌

李暇

秦王龍劍燕后琴珊瑚寶匣鏤雙心誰家兒女抱香枕開
衾滅燭願侍寢瓊窓半上金鏤幃輕羅隱面不障羞青綺
帳中坐相憶紅羅鏡裏見愁色簷花照月鶯對栖空將可
憐暗中啼

同前

孟簡

劍客不誇貌主人知取心但營織毫義肯計千萬金勇發
看鷲擊憤來聽虎吟平生貴酬德乃敵無幽深

同前

顧况

龍劍昔藏影送雄留其雌人生阻歡會神物亦別離碧樹
感秋落佳人無還期夜琴為君咽浮雲為君滋愛而傷不
見使星徒參差集作星漢徒參差

文苑英華卷第二百五

樂府十五

詩五十六

飛來雙白鶴三首

鳥生八九子一首

鳥啼曲二首

晚栖鳥一首

射雉詞一首

鬪鷄篇五首

東飛百勞歌四首

野田黃雀行四首

雀乳空城中一首

黃鶴一首

鳥夜啼六首

鳥栖曲篇六首

雉子班四首

朱鷺四首

鳴鷄篇五首

燕三首

滄海雀一首

空城雀四首

空城雀四首

飛來雙白鶴

一作鶴莊子
鳴鶴通用

梁孝元帝

紫蓋學仙成能令吳市傾逐舞隨踈節聞琴應別聲集田
遙赴影隔霧近相鳴時從洛浦渡飛向遼東城

同前

吳邁遠

可憐雙白鶴

鵠

作

雙雙絕塵氛連翩弄光景交頸想

一作遊

青雲逢羅復逢繳雌雄一旦分哀聲流海曲孤叫出江濱
豈不慕前侶為爾不及群步步一零淚千待君樂哉新相
知悲來生別離持此百年命共逐寸陰移譬如空山草零
落心自知

同前

虞世南

飛來雙白鶴奮翼遠凌煙俱棲集紫蓋一舉背青田颺影

過伊洛流聲入管絃鳴儔

一作

倒景外刷羽閬風前映海

疑浮雪拂澗瀉飛泉燕雀能知去蟬蛸不識還何言別儔
侶從此間山川顧步已相失徘徊反自憐危心猶驚露哀
響詎聞天無因振六翮輕舉復隨仙

黃鶴

沈佺期

黃鶴佐丹鳳不能群白鷗拂雲遊四海弄影到三山遙憶
君軒上來下天地間明珠世不重知有報恩環

鳥生八九子

劉孝威

城上鳥一年一作生八九雛枝輕巢本狹風多葉早枯毳毛
不自暖張翼強相呼金析嚴兮翠樓蕭蜃壁光兮椒泥馥
虞機衡網不得施猜鷹鷲隼無由逐永願共棲魯氏觀同

瑞周王屋莫啼城上寒猶賽野中宿羽成翮備各西東丁
年賦命有窮通不見高飛啼輦側遠託日輪中尚逢王吉
箭猶嬰后羿弓豈知變彩救燕質入夢祚昭公流聲表師
退集幕示營空靈臺已鑄像流蘇時候風

烏夜啼

梁簡文帝

綠草庭中望明月碧玉堂裏對金鋪鳴絃撥淚發初異挑
琴欲吹衆曲殊不疑三足朝含影直言九子夜相呼羞言
獨眠枕下淚託道單栖城上烏

同前

劉孝綽

鷓絃且輟弄鶴操暫停揮別有啼鳥曲東西各自飛倡人
怨獨守蕩子殊未歸忽聞生離唱一作中長夜泣羅衣

同前

庾信

促柱繁絃非子夜歌聲舞態異前溪御史府中何處宿洛
陽城頭那得棲彈琴蜀郡卓家女織錦城頭劉一作秦氏
妻詎不自驚長渡洛一作到處一作道啼鳥何處一作啼

同前

前人

桂樹懸知遠風竿詎肯低獨憐明月夜孤飛猶未棲虎賁
誰見惜御史詎相携雖然一作言入絃管終是曲中啼

同前

李白

姑蘇臺上烏棲時吳王宮裏醉西施吳歌楚舞歡未畢青
山猶銜半邊日銀箭金壺漏水多起看秋月墮江波東方
漸高柰爾何

同前

劉商

遶林啞啞驚復栖含烟碧樹高枝低月明露濕枝亦滑城
上女墻西月低愁人出戶聽烏啼團團明月墮墻西月中
有桂樹日中有伴侶何不上天去一聲啼到曙

烏啼曲

顧况

玉房掣鎖聲翻葉銀箭添泉霜遶一作蝶畢逋撥刺日一作

月街城八九雛飛其母驚此是天上老鷓鴣我聞一作老

鷓無此聲搖風雜珮耿華燭夜聽羽人彈此曲東方曠隴

赤日旭

同前贈張評事

楊巨源

可憐楊葉復楊花雪淨煙深碧玉家烏棲不定枝條弱城

頭夜半聲啞啞浮萍流一作搖蕩門前水任骨芙蓉莫墮

沙

烏栖曲四首

梁簡文帝

接翻同發燕孤飛獨向楚值雪已迷群驚風復失侶

二

青牛丹轂七香車可憐今夜宿倡家倡家高樹烏欲栖羅

帷翠被向一作君低

三

浮雲似帳月成一作如鈎那能夜夜南陌頭一作宜城醞酒

今夜一作宜城一作行熟莫惜停鞍一作繫馬斃栖宿

四

織成屏風金屈膝朱唇玉面燈前出相看意思望君憐誰能含羞不向前

鳥栖篇二首

梁元帝

幃中清酒瑪瑙鍾裾邊雜珮琥珀龍欲一作持寄心君心不惜共指三星今何夕

二

濃黛輕紅點花色還欲令人不相識金壺夜求誰一作此夜誰又

作夜能多過一作莫恃持一作奢用此此一作懸河

晚栖鳥

梁元帝

日暮連翩翼俱向上林栖風多前鳥駛雲暗後群迷路遠聲難徹飛斜行未齊應從故鄉返幾過入蘭閨借問偏樓

何如蕩子啼

雉子班

吳均

可憐雉子班群飛集野甸文章始陸離意氣已驚狷幽并遊俠子直心亦如箭生死一作以死又作死節報君恩誰能孤恩盼

同前

張正見

陳倉雉未飛歛翮依芳甸朱冠色尚淺錦臆毛初變雉麥且專場排花聊勇戰唯當度弱水不怯如臯箭

同前

毛處約

春物始芳菲春雉正相追澗響連朝雉花光帶錦衣竄跡時移影驚媒或亂飛能使如臯路相追巧笑歸

同前

江惣

麥壘新秋來澤雉爰徘徊依花似叶如拂草乍驚媒三春
挑照李二月柳爭梅暫往如臯路當令巧笑開

射雉詞

儲光羲

曝暄理新翳迎春射鳴雉原田遙一色臯陸曠千里遠聞
咿啞聲時見雙飛起羃歷踈蒿下毯毳深麥裏顧敵乃忘
生爭雄方決死仁心貴勇義豈復能傷此超遙下故墟迢
迢迴高時大夫昔何苦取笑歡妻子

朱鷺

梁王僧儒

因風弄玉水映日上金堤猶持畏羅繳未得異鳧鷺聞君
愛白雉兼同重碧鷄未能聲似鳳聊變色如珪願識昆明
路乘流飲復棲

同前

裴憲伯

秋來懼寒勁歲去畏冰堅群飛向葭下奮羽欲南遷暫戲
龍池側時往鳳樓前所歎恩光歇不得久聯翩

同前

張正見

金堤有朱鷺刷羽望滄瀛周詩振雅曲漢鼓發竒聲時將
赤鴈並乍逐彩鷺行別有翻潮處異色不相驚

同前

蘇子卿

玉山一朱鷺容與入王畿欲向天池飲還遶上林飛金堤
曬羽翻丹水浴毛衣非貪葭下食懷恩自遠歸

鬪雞

梁簡文帝

歡樂良無已東郊春可遊百花非一色新田多異流龍尾

橫津漢車箱起戍樓玉冠初驚敵芥羽忽借儔十日嬌既
滿九勝勢恒道脫使田饒見堪能說魯侯

同前

梁孝威

卅雞翠羽張妬敵復

一作得

專場翅中含芥粉距外耀金芒

氣踰上黨列名貴

一作課

下講良祭橋愁魏后食茹忌齊王

願賜淮南藥一使雲間翔

鬪雞東郊道

陳楮珍

春郊鬪雞侶捧敵兩逢迎妬

一作詭

群排袖出帶勇向場驚

錦毛侵距散芥羽雜塵生還同戰勝罷耿介寄前鳴

看鬪雞

後周王褒

蹶蹠始橫行意氣欲相傾妬敵金芒起循群芥粉生入場

疑桃戰逐退似追兵誰知函谷下人去獨開城

寒食鬪雞

杜淹

寒食東郊上楊講競出籠花冠初照日芥羽正生風顧敵

知心勇先鳴覺氣雄長翹頻拂陣利距屢通中飛毛遍綠

野洒血漬芳叢雖然百戰勝會自不論功

雞鳴高樹巔

梁簡文帝

碧玉好名倡夫婿侍中郎桃花全覆井金門半隱堂時欣

一來下復比雙鴛鴦雞鳴天尚早東烏定未光

晨雞高樹鳴

張正見

晨雞振翮鳴出迴擅竒聲蜀郡隨金馬天津應玉衡摧冠

驗遠石

集作古非

繫火

用江道事

出連營爭棲斜揭暮解翼橫飛度

試飲淮南藥翻上仙都樹枝低且候潮葉淺還承露枝低
觸嚴霜葉淺向朝陽猜群怯寶劍勇戰出花場尚損黃金
距誰論白玉璫長鳴逢晉帝恃氣遇周王流名說魯國分
影入陳倉不復愁符郎猶能感孟嘗

賦雞鳴篇

隋岑德潤

鍾響應繁霜晨雞錦臆張簾迴猶侵露枝高已映光排空
下朝揭奮翼上花場雨晦思君子關開脫孟嘗既得依雲
外安用集陳倉

雞鳴曲

李廓

星稀月沒入上一作五更膠膠角角雞初鳴征人牽馬出門
立辭妻一作欲向長安一作行再鳴引頸篷頭下樓一作

中角聲催上馬總分地色第二鳴旌旆紅塵已出城婦人
上城亂招手夫壻不聞遙哭聲長恨雞鳴別時苦不遣雞
栖近窓戶

同前

陳陶

雞聲春曉上林中一聲驚落蝦蟇宮二聲喚破枕邊夢三
聲行人煙海紅平旦慵將百雞語蓬鬆錦繡當陽處媿君
飲食長相呼為君晝鳴下高樹

東飛百勞歌

梁武帝

東飛百勞西飛燕黃姑織女時相見誰家兒女對門居開
顏發艷照里閭南窓北牖桂月光羅帷綺帳脂粉香女兒
年幾十五六窈窕無雙顏如玉二春已暮花從風空留可

憐誰與同

同前

辛得源

含歡芳樹連理枝荆王神女乍相隨誰家妖艷蕩輕舟含
嬌轉盼一作面騁風流犀柅蘭橈翠羽蓋雲羅霧縠蓮花帶
女兒年幾十六七玉面新粧映朝日落花從風俄度春空
留可憐何處新

此詩二百五卷重出今已削去注異同為一作

同前

張柬之

青田白鶴卅山鳳婺女嫦娥兩相送誰家絕世綺帳前艷
粉芳脂映寶鈿窈窕玉堂寒翠幕參差繡戶懸珠箔絕世
三五愛紅粧治袖長裾蘭麝香春去花枝俄易改可歎年
光不相待

擬古東飛百勞西飛燕

李嶠

傳書青鳥迎簫鳳巫嶺荆臺數通夢誰家窈窕住園樓五
馬千金照陌頭羅裙玉珮當軒出點翠施紅競春日佳人
二八盛舞歌羞將百萬呈雙娥庭前芳樹朝夕改空駐妍
華欲誰待

鸞鷲于飛

江惲

二月春暉暉雙鸞理毛衣銜花弄藿靡拂葉隱芳菲或在
堂間戲多從幕上飛若作仙人履應向日南歸

雙燕離

沈君攸

雙鸞雙飛雙情相思容色自故心心不衰雙入幕雙出閣

一作秋風去春風歸幕上危雙鸞離銜羽一別涕泗垂夜

夜孤飛誰相知左廻右顧還相慕翩翩桂水不忍度懸目

掛心思越路縈鬱摧折意終一有不洩願作孤鸞鏡中絕作

鏡鸞相對絕

同前

李白

雙燕復雙燕雙飛令人羨玉樓珠閣不獨棲金窓繡戶長

相見栢梁失火去因入吳王宮吳宮又焚蕩雖盡巢亦空

顛顛一身在孀雌憶故雄雙飛難再得傷我寸心中

野田黃雀行

蕭轂

弱軀慙彩飾輕毛非錦文不如一作知鴛鶴一作鵠志非是鳳

凰群作風隨濯雨入曲應玄雲空城舊侶絕滄海故朋分

寧死明珠彈且避鷹將軍

同前

李白

遊莫逐炎洲翠棲莫近吳宮燕吳宮火起焚爾窠炎洲逐

翠遭網羅蕭條兩翅蓬蒿下雖一作縱有鷹鷂柰爾一作若何

同前

儲光羲

噴噴野田雀不知軀體微閑穿踈蒿下一作深爭食復爭

飛窮老一犢一作頽舍棗多桑樹稀無棗亦何一作可食無桑

何以衣蕭條穹蒼暮相引時來歸斜路豈不捷渚田豈不

肥水漲路且壞惻惻與心違

田野雀

一作野田黃雀行

僧貫休

高樹風多吹爾巢落蒿深一作深葉暖且爾依泊莫近鸚類

蛛網亦惡飲野田之清水食野田之黃粟深花中睡勃土
一作裏浴如此即全勝啄太倉之穀而穿人之屋

滄海雀

張率

大雀與黃口來自滄海區清晨啄原粒日夕歸一作野株

雖憂鷲鳥擊長懷沸鼎虞况復隨時起一作翻飛不可初

寄言挾彈子莫賤隋侯珠

雀乳空城

一作中

劉孝威

遠去條支國心知漢德休一作聊棲丞相府過令黃霸羞

挾子湏閑池空井共尋求鞭轡絲綆絕桔槔金一作蘇欄

將憐羽翼長誰辭各背遊

空城雀

李白

噉噉空城雀身計何戚促本與鴈鷓群不隨鳳凰族提攜

四黃口飲乳未嘗足食君糠粃餘常恐烏鴛逐一作耻涉

太行險羞營覆車粟天命有定端守分絕所欲

同前

劉駕

飢啄空城土莫近太倉粟一粒不一作充腸却入小人一作

公腹且弔城下一作客豈曾空一作爾族不聞莊辛語

今日寒蕪綠

同前

陳陶

古城濛濛花覆水昔日住人今住鬼野雀荒臺遺子孫千

年飲啄枯桑根不隨海鷲栢梁去應無玉環銜報恩近村

紅粟香壓枝嗷嗷黃口訴朝饑生來未見鳳凰語欲飛常

文苑英華卷第二百六
五
怕蜘蛛絲斷腸四隅天四絕清泉綠蒿無恐疑

同前

羅隱

雀入官倉中所食能損幾所慮徃復頻官倉乃害爾魚網不在天鳥網不張水飲啄要自然何必空城裏

文苑英華卷第二百六

文苑英華卷第二百七

詩五十七

樂府十六

梁甫吟三首

白頭吟三首

遊子吟五首

妾薄命九首

妾安所居一首

宛轉歌三首

古興九首

古曲一首

古歌一首

古詞五首

梁甫吟

陸瓊

臨淄佳麗地少小習名倡似笑唇朱動非愁眉翠楊掩柳隨竿轉和柔會瑟張輕扇屢迴指飛塵亟遶梁寄言諸葛相此曲作難忘

同前

沈約

龍駕有馳策日御不一作無停陰星籥亟廻變氣化坐盈侵

寒花稍耿耿秋海一作塞日沉沉高窓仄一作灰餘火傾河駕

騰參颺風折暮草驚籜一作竿霄層林時雲靄空遠年冰一作水

淵結清潔奔樞豈易紐殊庭不可臨懷仁每多意履順孰

能禁露清一惟足緩志且移心哀歌步梁甫歎絕有遺吟

一作音

同前

李白

長嘯梁甫吟何時見陽春君不見朝歌屠叟辭棘津八十

西來釣渭濱寧羞白髮照清綠一作水逢時吐一作壯氣思經

綸廣張三千六百鈎一作鈎風期暗與文王親大贖虎變愚

不測當年頗似尋常人又君一作君不見高陽酒徒起草中長

揖山東隆準公入門開說一作不拜騁雄辯兩女輟洗來趨風

東下齊城七十二指旄楚漢如旋蓬狂生落魄見酈食其傳尚

如此何況壯士當群雄我欲攀龍見明主雷公砰訇震天

鼓帝旁投壺多玉女三時大笑生一作開電光倏爍晦冥起

風雨閭闔九門不可通以額叩關闈者怒白日不照吾精

誠祀國無事憂天傾楔偷磨牙競人肉騶虞不折生草莖

手接飛猱搏彫虎側足焦原未言苦智者可卷愚者蒙世

人見我輕鴻毛力排南山三壯士齊相殺之用一作費二桃

吳楚弄兵非無一作劇孟亞夫哈爾為徒勞梁甫吟聲正悲

張公兩龍劔神物合有時風雲感會起屠釣天一作大人峴

卷一百一十七

既當安之

白頭吟

張正見

平生懷直道

一作白首松桂比真貞

一作

風語默妍媸際沉浮毀

譽中讒新恩易盡情去寵難終彈珠金市側抵玉泰山東

含香老顏駟執戟異揚雄惆悵崔亭伯幽憂馮敬通王嬙

沒故胡

一作

塞班女棄深宮春苔封履跡秋葉奪粧紅顏如

花落槿鬢似雪飄蓬此時積

一作

即

長歎少

一作

年誰復同

同前

劉希夷

文粹作宋之問

洛陽城中桃李花飛來飛去落誰家洛陽

一作

幽閨女兒好顏

色行逢落花長歎息今年花開顏色改明年花開復誰在

已見松栢摧為薪更聞桑田變成海古人無復洛陽東今

日還對落花風年年歲歲花相似似歲歲年年人不同寄

全盛紅顏子應憐半死白頭翁此翁白頭真可憐憶惜紅

顏美少年光祿池臺文錦繡將軍樓閣盡神仙公子王孫

芳樹下清歌妙舞落花前一朝卧病無相識三春行落在

誰邊宛轉蛾眉能幾時須臾鶴髮亂如絲但看古來歌舞

地唯有黃昏鳥雀飛

一作悲

同前

李白

錦水東碧流波蕩雙鴛鴦雄雉巢漢宮月雌弄春草芳寧同

萬死碎綺翼不忍雲間兩分張此時阿嬌正嬌妬獨坐長

門愁日暮但願君恩顧妾深豈憚黃金買詞賦相如作賦

得黃金丈夫好新多異心一朝將聘茂陵女文君因贈白

頭吟東流不作西歸水落花辭條羞故林兔絲本無情隨
風任傾倒誰使女蘿枝而來強縈抱丙草猶一心人心不
如草莫卷龍鬚席從他生網絲且留琥珀枕曾有夢來時
覆水再收豈滿杯棄妾已去難重廻古來得意不相負只
今唯有青陵臺

遊子吟

顧况

故櫪思疲馬故窠思迷禽浮雲蔽我鄉躑躅遊子吟遊子
悲久滯浮雲鬱東岑客堂無絲桐落葉如秋霖難哉遠遊
子所以悲滯滯一爲浮雲詞憤塞誰能禁馳歸一作百年
內唯願展所欽胡爲不歸歟坐使年病侵未老霜遶鬢非
狂火燒心大行何難哉北斗不可斟夜靜星河出耿耿長

佳入負青天尺素重於金沈寥群動異眇默諸境森

苔衣上閑階蟋蟀催寒砧立身計幾悞道險無容針三年
不還家萬里遺錦衾夢魂無重阻離憂罔古今胡爲不歸
歟辜負匣中琴腰下是何物牽纏曠登尋朝與名山期夕
宿楚水陰楚水殊演漾名山宵嘔欽客從洞庭來婉孌瀟
湘深橘柚在南國鴻鴈遺其音下有碧草洲上有青橘林
引燭窺洞穴凌波睥天琛蒲河影參差鳧鶴難淋淅浩歌
惜芳杜散髮輕華簪胡爲不歸歟淚下沾衣襟鳶飛戾霄
漢螻蟻制鱣鱓赫赫大聖朝日月光照臨聖主雖啓迪吾
人分湮沉層城登一作發雲韶王一作王府鏘球琳鹿鳴志豐
草况復虞人箴

同前

李益

女羞夫婿薄客耻主人賤遭遇同衆流低回愧相見君非
青銅鏡何事空照面莫以衣上塵不爲心如練人生當榮
盛待士勿言倦君看白日馳何異弦上箭

同前

孟郊

慈母手中線遊子身上衣臨行密密縫意恐遲遲歸誰言
寸草心報得三春暉

同前

陳陶

栖鳥喜林曙驚蓬傷歲闌關河三尺雪何處是天山朔風
無重衣僕馬饑且寒慘戚別去女子遲回出門難男兒值休
明豈是長泥蟠何者爲木偶何人待金鑿鬱鬱守貧賤悠

然亦無端進不圖功名退不處巖巖窮通在何日光景如
跳丸富貴苦不早令人推心肝誓期春之陽一振摩霄翰

同前

聶夷中

萱草生堂階遊子行天涯慈親倚門堂不見萱草花

妻薄命篇

梁簡文帝

名都多雅麗一作麗質本自恃容姿蕩子行不一作素至秋胡無

定期玉貌歇紅縷一作臉長嘔慣翠眉奩鏡迷朝色針縫一作

縫一作脆故絲本異搖舟咎何關竊虎疑生離誰拊背溘死詎

來遲王嬌貌本絕跟踏入氈幃盧姬嫁日晚非復妙一作少

年時轉山猶可逐一作遂烏白望難期妾心徒自苦傍人會

見嗤

同前

劉孝威

去年從越障一作障今歲沒胡庭嚴霜封碣石驚沙暗井陘

玉簪久落鬢羅衣長掛屏浴蠶思洙一作漆水挑桑憶鄭峒

寄書朝鮮吏留劄武安亭勿言戎夏隔但令一作念心契冥

不見豐城劍千祀復同形

同前

劉元淑

自從離別守空閨遙聞征戰赴一作起雲梯夜夜相思一作思君

又作遼海北一作外年年拋一作棄妾渭橋西陽春白日照空

暖紫燕紅一作奇花向庭浦彩鸞琴裏怨聲多飛鵲鏡前梳

粧斷誰家夫婿一作不從征應是漁陽別有情莫道紅顏

燕地少家家還似洛陽城且逐新人殊未歸還今秋至夜

霜飛北斗星前橫旅一作度鴈南樓月下擣寒衣更一作夜灑

聞鴈腸欲絕獨夜挑燈燈復滅暗啼羅帳空自憐夢度陽

關向誰說每吟一作憐容貌宛如神何其一作如何薄命不如人

願君朝夕燕山至好作明年楊柳春

同前

李白

漢帝重阿嬌貯之黃金屋咳唾落九天隨風生珠玉寵極

愛還歇妬深情却踈長門一步地不肯暫回車雨落不上

天覆水最難一作難再一作再收君情與妾意各自東西流昔日芙蓉

花今成素秋草以色事他人能得幾時好

同前

權得輿

昔任邯鄲年尚少只是嬌羞弄花鳥青樓碧沙大道邊綠

楊日暮風裊裊嬋娟玉貌二八餘自矜一作憐顏色花不如

麗質全勝秦氏女藁礎寧用專城居歲去年來年漸長青

蛾一作春紅粉全堪賞玉樓珠箔但閑居南陌東城詎來往

韶光日月看漸遲標梅既落行有時寧知燕趙娉婷子翻

嫁幽并游俠兒年年結束青絲騎出門一去何時至秋月

空懸翡翠簾春幃懶卧鴛鴦被沙塞經時不寄書深閨愁

獨意何如花前拭淚情無限月下調絃一作琴恨有餘別離

苦多相見少洞房愁夢何由曉閑看雙燕淚霏霏靜對空

床夢悄悄鏡裏紅顏不自禁陌頭香騎動春心為問佳期

早晚是人人總解有黃金

同前

孟郊

不惜十指弦為君千萬彈常恐新聲至一作發坐使故聲殘

一作使我棄置今日悲即是昨日歡將新變故易將故為

新難青山有藤蕪淚葉常不乾空令後世一作代人采掇幽

思攢一作思幽蘭

同前

曹鄴

薄命常惻惻出門見南北劉郎馬蹄疾何處去不得淚珠

不可收蟲絲不可織知君綠桑下更有新相識

同前

盧綸

妾年初二八兩度嫁狂夫薄命今猶在堅貞掃地無

同前

孟郊

薄命頭欲白頻年嫁不成秦娥未十五昨日事公卿豈有

機杼力空傳歌舞名妾專脩婦德媒氏却相輕

妾安所居

曹鄴

賤妾先無寵蛾眉進不遲一非西北麗無復南城期何因
暫艷逸豈為乏妍姿徒有黃昏望寧遇青樓時唯惜應門
掩方除永巷悲匡床終不共何由橫自私

宛轉歌

徐陵

七夕天河白露明八月濤水秋青一作風驚樓中恒聞哀曲
響塘上復有苦辛行不解何意悲秋氣直置一作無秋悲
自生不怨前堦促織鳴偏愁便路擣衣聲別燕差池自有
返離嬋寂寞詎含情雲聚含一作懷情四望臺月冷相思九
重觀欲題芍藥詩不成來採芙蓉花已散金樽送曲韓娥

越玉柱調絲

一作楚妃勸

一作翠眉結恨不復開寶鬢

秋度一作前亂湘妃拭淚洒貞筠行樂翫花一作藥浣衣何處

人步步香飛金薄履

一作盈盈扇掩珊瑚唇已言採桑期陌上

復能解珮就江濱競入華堂要花枕爭開羽帳奉華茵不

惜獨眠前下鈞一作鈞欲許便作後來新後來冥冥同匡一作

玉床可憐顏色無比方誰能巧笑時一作窺井乍取新聲

學遶梁宿處留嬌墮黃珥鏡前含笑弄明璫卷菴摘心心

不盡茱萸折葉葉更芳已聞能歌洞簫賦詎是故愛邯鄲

倡

擬古神女宛轉歌二首

崔液郭茂倩作即大家宋氏

風已清月朗琴復鳴掩抑悲千態殷勤是一聲歌宛轉宛

文苑英華卷一百七

轉和更一作且長願爲雙鴻鵠比翼共翱翔

二

日已暮長簷鳥應度此時望君君不來此時思君君不顧
歌宛轉宛轉那能異棲宿願爲形與影出入恒相逐

古興二首

沈徽

蔓草自細微女蘿始天天黃緣至百尺榮耀非一朝惠色
高碧嶺流芳薄丹青如何摧秀木正爲餘波漂莖朝一作葉
落岩跡英蕤從風飈洪柯不足恃况乃託陵茗

二

長門一作安富豪右信是天下樞戚里笙歌發禁門冠蓋趨

攀雲無愧士唾地盡成珠日晏下雙闕煙花亂九衢恩榮

在片言零落亦須臾何意還自及曲池今已無

同前三首

寇坦毋趙氏

鬱蒸更將半暑氣煽飛閣驟雨蒲空來當軒卷羅幕度雲
開夕霽宇宙何清廓明月流素光輕風換炎鏢孤鷺傷對
影寶瑟悲別鶴君子去不還搖心欲何託

二

金菊延清霜玉壺多美酒良久一作久猶不歸芳菲豈常有
不惜芳菲歇但傷別離久含情罷斟酌凝怨對窓牖

三

霽雪舒長野寒雲半幽谷嚴風振枯條猿啼抱冰木所嗟
遊宦子少小荷天祿前程未云至悽愴對車僕歲寒成詠

六苑英華 卷之七
歌日暮樓林樸不憚行險道空悲年運促

同前

常建

轆轤井上雙梧桐飛鳥銜花日將沒深閨女兒莫愁年玉
脂冷冷怨金碧石榴裙裙蛺蝶飛見人不語顰蛾眉青絲
紅絲雜綠絲織成錦衾當爲誰

同前

薛據

日中望雙闕疑軒蓋揚飛塵鳴珮初罷朝自言皆近臣光
華滿道路意氣安可親歸來宴高堂廣筵羅八珍僕妾盡
綺羅歌舞夜達晨四時固相代誰能久要津已看覆前車
未見易後輪丈夫須兼濟豈得樂一身君今皆得志肯顧
顧顧人

同前

李嘉祐

十五小家女雙鬢人不知

一作如

娥眉暫一見可直千萬資

一作金餘

自從得向蓬萊裏出入金輿乘玉趾梧桐樹上春鷗

鳴曉伴君王猶未起莫道君恩長不休婕妤團扇苦悲秋
君看魏帝鄴都裏唯有銅臺漳水流

同前

聶夷中

片玉一塵輕粒粟山丘重唐虞貴民食祗是勤播種前聖
後聖同今人古人共一歲如苦饑金玉何所用

集作將何用

古曲

王褒

青樓臨大道遊俠盡淹留陳王金被馬秦女桂爲鈎馳輪
洛城巷闕雞南陌頭薄暮飛塵起聊爲清夜遊

古歌

沈佺期

落葉流風向玉臺寒釭一作夜愁思洞房開水晶簾外金

波下雲母窓前銀漢廻玉堦陰陰苔蘚色君王履綦難再

得旋一作閨窈窕秋夜長繡戶徘徊明一作月光燕姬綵

帳芙蓉色秦子金爐蘭麝香北斗七星橫夜半清歌一曲

斷君腸

古詞

衛象

鵲血調弓濕未乾鷓鴣新淬劍光寒遼東老將鬢成雪猶

向旄頭夜夜看

同前三首

于鵠

素絲帶金地窓間掬飛塵偷得鳳凰釵門前乞行人

二

新長青絲髮啞啞言語黯隨人敲却鏡街頭救明月

三

東家新長兒與妾同時生竝長兩心熟到大相呼名

同前

曹鄴

高闕礙飛鳥人言是君家經年不歸去愛妾面生花妾面

雖有花妾心非女蘿郎君不自重重一作妾欲如何





